





重編

題跋十

跋靜安堂銘



古今人言靜字所指不同有淺深難易程子言性靜者可以為孝與諸葛公言非靜無以成孝此靜字稍易夫入皆可勉而為周子言聖人定之以中正仁義而主靜與莊子言萬物無足以繞心故靜此靜字則難非用功聖學者未之能也大學靜而後能安之靜正與周子莊子所指無異朱子以心不妄動釋之即孟子所謂不動心也孟子之學先窮理知言先集義養氣所以能不動心大學之教窮理知言則知止集義養氣則有定所以能靜也、者雖應接萬變而此心常如止水周子所謂動而無動是也安則素其位而行無入不自得之意予讀靜安堂銘九十六言最喜良止其背萬物之鏡八字為其義竊觀長沙易先生於書之禹貢禮之周官說皆精緻卓然度越諸家而程子所續孟子不傳之學則有未數、然者故

予每取其所長

鍾建文集後題

儒者之學一降再降而為詞章漢賈馬唐韓柳宋歐陽曾蘇遂挺然獨步  
得以稱雄於百世之下佛教自達磨西來離去文字真露其秘由是悟入  
者一彈指頃超詣佛地卓乎其不可及已其徒口舌機鋒結利捷巧逢者  
披靡莫之敢膺然未有操弄豪管其儒流之消衣演迤於詞章者鍾  
津高仲靈生值宋代文運之隆與歐陽曾蘇同時才思之瞻蔚筆力之橫  
放視一時文儒不少遜也噫世間多小魁傑人在佛氏籠罩之內如嵩者  
豈易得哉其文之行世以矣踈山住半間重繡諸梓以傳蓋喜其教中之  
有是人也昔歐陽公一見而推獎之予亦習聞而嘉歎焉倘論詞章當為  
佛徒中第一或問嵩佛法何如予儒流弗能知請俟它日質之半  
間師

跋黃行所教黃後

唐虞婁天章藏其八世祖奉議公較黃一通出入與俱因敢失隊為人予  
孫當如此矣今日六品官以下所授勅牒與前代勅牒其文同其用黃紙

書亦同然昔也有勅而又有誥今則無誥而但有勅存之可以考古今沿  
革之殊可以表子孫保守之謹天章年甚少才甚俊文藻麗而思泉湧值  
今貢奉取士之時擇科階仕易尔方將得今日之新勅豈但存先世之  
舊勅而已哉抑又有說勅者人爵之榮於其舊者而能存於其新者而能  
得要皆身外物也人之一身先世遺體天爵之貴具焉保守其身不尤重  
於保守身外物乎夫子言孝立身為大立身者何行道於今揚名於後有  
天爵之貴非止人爵之榮也果能立身而揚名天下世世稱之曰婁之後  
有聞孫其光於奉議也殆將百倍於常人天章字行所才可以及是故予  
諄諄焉督其進

跋徐侍郎文集後

宋兵部侍郎清江徐公文章政事俱可稱遭值末運言不獲用志不獲伸  
國亡而身亦隕平生著述因兵亂散軼公之子幼學百計蒐輯十僅得其  
一二予嘗序其篇後十有七年公之孫鎰持刻本過予曰先人綴先人侍  
即集未竟而卒鎰賢第九成重加釘定成三十卷集外所遺及大學中庸  
說侯續纂為一編予披翫三日凡公未用之言未伸之志莫不洞見其底

蘊不特嘉嘆其文章而已嗚呼名臣之後有子有孫能若是持節公為不  
亡矣復識其左方云

題聚星亭贊後

聚星亭贊朱氏為考亭陳氏作也今脩江陳氏得此圖於朱子門人胡伯  
量之家澄按宋紹熙之季趙忠定公汝愚將立寧宗時韓魏公之曾孫在  
曹知閣門事嘗令白事高宗兵皇后宮事成仇曹謀建節忠定以為右戚  
不當言功仇曹然群險朋附之遂傾趙相竄泉州慶元丙辰春殞于非  
命趙之死由仇曹也士人敖陶孫有詩閔趙曰九源若遇韓忠獻休問如  
今幾世孫趙相既死韓權益熾朱子褫職罷祠號為黨魁此贊之作在庚  
申春未屬續前兩月所謂仕守之難古今共嘆蓋為仇曹發也澄舊題二  
詩其一曰真人此日暫東行曾奈黃星漸次明二姓聞孫竟如許一天瑞  
氣落西營其二曰魏公勲業照乾坤太史曾占五色雲三枝教家詩裏淚  
始知亭贊意殷勤適再見此圖乃馮前所題二詩于左而歸之脩江之陳

題東坡所寫墨竹

雖細猶低葉下近塵土而鉅竿老節傲雪霜平時坡翁居多竹之地二

年矣

題子昂仁智圖

仁者樂山智者樂水先儒謂非體仁智之深且不能如此雖然仁者見之  
謂之仁智者見之謂之智各隨所見均是仁知豈必與尼山泗水同哉子  
昂所圖子昂所見爾以遺太乙劉師別有見玉笥仁智堂道士從劉得之  
又玉笥仁智堂之仁智也師劉者羅環中特以示予者羅之徒孫周常清  
周而羅羅而劉劉而趙曰仁曰智其見同乎異乎予弗及知也方將循其  
支探其本溯其流尋其原以上達尼山泗水周令從上清上清之山水奇  
矣其中高人仁智何若予亦願參焉

跋玉笥山圖

名山道宮其形勢之奇人物之盛可與上饒龍虎山儔儷者江西有二俱  
屬清江閩漕也玉笥也余夙有山水癖又喜兵方外畸人語五十年前於  
驛路望見龍虎山四十年前曾至閩漕二十年前至玉笥之傍所謂太秀  
洞天者而獨未能一至玉笥焉道士周常清持示玉笥承天宮圖覽之欣  
欣若游於其間然予之游山非但樂其形勢亦欲識其人物向游太秀亦

為尋訪隱者不遇而退承天有超世之士為誰常清一告我予將往問

跋謝尚書墨蹟後

宋南渡後古文清江謝尚書為首稱而其文無集不可悉見龍山西福寺謝公平昔熟游之地嘗為撰雲海殿堂記文刻在石而墨蹟在寺中間流落它處大德丁酉寺僧克齊再得故物於既失之餘龍歲唯謹可謂知所重者齊又醫藥濟人是能以佛慈惠心為心也齊之上普慧通儒佛書副講主席其上師乘又其上與俱俱師號不群乘師號梅山慧號愚泉齊號石厓云

跋劉忠肅公與朱文公帖

劉忠肅公朱先生之父黨先生以乾道丁亥冬除密院編脩官劉書稱先生為編脩當是次年戊子之秋作劉公憂江淮兩浙水旱豫為歎備其年建寧亦饑且繼之以水災又明年秋而先生丁母憂矣此書蓋在前也

跋李公擇尚書帖

李公擇尚書初年受發運使楊佐薦改秩公推其友劉琦佐曰不見此風久矣遂并為焉議者兩賢之當特且以公之讓善為難而況于今適值廬

陵李一初二公手帖因感觸而又公此事意百世之下亦有聞公之風者

跋鐔津文集

鐔津文戢戢如武庫兵函函如春江濤曾莫高所著述也在宋慶曆嘉祐正當文運之隆散出其技馳騁章甫逢掖之林肆口而言肆筆而書縱橫雄放莫或能嬰其鋒噫天之生才也何所限極哉佛家者流而有如斯人者乎疎山雲住師取其文錄諸木期以傳久遠蓋喜同類中之有是人也噫誠可喜也雖然文儒則可佛法則未

跋吳君正程文後

往年予考鄉試程文備見群士之作初場在通經而明理次場在通古而善辭末場在通今而知務長於此或短於彼得其一或失其二其間兼全而俱優者不多見也金谿吳氏家世以儒科顯君正出示程文一編三日所試之藝悉具純美暢達無施不宜可謂俱優兼全者矣不特程文然也於文能麗語又能散語於詩能近體亦能古體才贍而學周若是倘命足以符其才豈有不遇者哉君正名應子

跋子昂楷書後

至元丙戌冬予始解石子昂於維揚驛明年在京每日相聚為予作字率多楷書不今作行草與今此卷字體一同人但見其後來寫碑文之字乃疑此卷非真是未嘗悉見其諸體字樣也

題四君子贈疎山長老卷後

李俞周昉薩德弘實持憲江西可稱無疵蓋鳳凰中之鷹隼麒麟中之獬廌也王都中予未及識然禪解盈紙其出世間法不知與世間法何如四君子是同是異而於疎山雲住師俱厚善墨竟各有同處

又跋朱子墨蹟

朱子葬母祝令人之地得之西山蓋其家每欲得苑地則必求之西山也

跋朱子書後

此朱先生母令人祝氏與其內親而先主為母代書者

題耕樂室

鄭子真耕於巖石之下節子真慕之而偏其室曰耕樂尚樂矣耕可也釋耕而仕亦可也非以耕為樂也雖耕亦不室其樂也子之樂也如之

題韓魏公墨蹟

嘗觀東平府學碑富節公書其室端謹莊重不作媮媚婀娜之態韓魏公此帖亦然而加勁健二公事業不在於字而觀其字畫亦可想見其為人跋李公遺墨

制參李公年二十有四擢進士科五十五有六而值曆運改滄溟隱約吟詠自怡垂二十載乃終里中易先生伯壽甫儒而逃於隱曾與公同生嘉定辛巳歲相好如兄弟迨從倡和未嘗旬月疏秋也公之手簡往來意真語實雖待先生之子壽禮視朋友不以父黨自居也壽收拾公之詩詞手簡大小百餘紙集成一編不惟它日易氏子孫得見當時一父交契之情而鄉人觀之亦是見前輩樸厚之風可以敦薄而實鄙於世教非小補也壽字景源云

題崔氏孝行詩卷

真定崔侯雍卿相繼宰兩邑建平而崇仁俱有美政昔得之傳聞今得之親見適一二客來過周行東西南北之人也頗通四方政俗善評一特人物相與聚談其一曰崔侯何以能若是其一曰史侯喬木故家也同知真

定路總管府事之孫兩浙江淮漕運使之子史崔真定巨室二姓出為婚  
姻疾丞相史忠武公之孫塔其勇兩道宣慰使則丞相之從子其外祖五  
路萬戶則丞相之昆弟也內外兩族仕宦赫奕出德可帥家範可采固與  
寒門新進之居官者不同也而予之子文留邑日從侯游處獲侯孝行詩  
卷以歸蓋侯初仕常執州判官居家養母嘗不赴官士大夫嘉其行有詩  
頌美者累數十餘獲觀之夫以天性之愛根於心者為重人爵之貴加於  
身者為輕古人之常事今世則希有侯能為今世之所希由其資識之超  
於人也孝者自行之首居家而孝於親則居官而慈於民者餘事尔侯之  
行為孝子其政之為循吏也宜

題李氏世業田碑後

青塞李氏其先曾人宋靖康建炎間避金難轉徙而南顛顛十數年始獲  
吉之境當時閭閻流民令所在郡縣安養李氏自出力闢曠土得田四百  
畝請于官官界之為世業於是自記其事勒石以貽永久期與子孫宗族  
共享公上之賜又推所餘及親故處心善善廣置義井載給田守俸令佐姓  
心示不忘所自時維紹興八年記之者李興時善其者其族父知建昌縣

李德林也終宋之世田為李氏大元管田司立乃奪而歸之官李之丁  
輸租耕其田如昨舊碑亦披人竊者而去幸猶有墨本存焉將移業圖再  
刻石以不墜祖之所付託而予為善子碑陰鳴呼紹興而至元百五十年  
爾田之有予有奪彼一時也此一時也為之民者如之何哉事之已往者  
已矣未來者自勉可也業其倡率宗族人人彊為善苟為善子孫必有興  
者其興也將有光于前而四頃之田一片之石已失者又奚足芥蒂于懷  
也哉

題夏幼安更名說後

蘭谷夏幼安於其舊名有所不安而一更之遂以字行勇矣予嘉其更名  
一事之勇而慮其施之於他事皆然則不能無失也謂之曰人能勇於夫  
其所不安可也而輕於就其所安不可也蓋勇而重者多得勇而輕者多  
失勇固可尚也然識為先勇次之勇者去其所不安而不吝識者就其所  
可安而不誤審其所安的見其可而後遷有識有勇者能之不然一特之  
輕池日之悔見其不安則將更之乎此易之頻復所以不勉於厲也慎  
之哉勉之哉

跋吳氏家乘

金陵吳梓之大父德和甫暨父克章甫暨母王氏夫人俱得黃氏能言者  
銘墓繫之以名勝哀挽之辭為一編藏于家志顯親也不唯是日夕學  
工文辭行以厚其躬其於顯親也又有大焉吳氏有子哉

跋金陵吳承信建炎四年戶帖

此帖百八十二年矣而保之至今吳氏子孫其賢乎噫承信公之所積可  
知也宗家子其謹識

題剛簡胡公印曆

壯年於剛簡公家見其奏藁讀之流涕為綴數語于後今在洪又見其印  
曆觀畢愴然

跋李平章贈黃處士序詩後

平章政事李公以公輔之尊而友處士之賤贈之以詩章重之以序引可  
謂忘勢謙已者矣然君子之言自為其心之實表裏無二致也公之詩云  
逃名君笑我伴食我慙伊善哉言乎蓋亦一時姑為是言而已非實以人  
之笑已之慙而懼者也使公果能惕然於人之笑慙然於已之慙則其相

業宜不止如後來所觀序所謂終當借五湖舟訪予於空明渺漭之際晚  
即而踐斯言也豈不高出一世也哉噫

跋河南程氏刻書

昔大程夫子仕上元縣故建康有明道書院以祠二程近年行臺治書侍  
御文郭侯賞命山長趙晉之重刻程氏遺書於既燬之後今錢塘沈天錫  
嗣長書院而曰有遺書無外書是二程夫子之遺訓猶未完也乃續刻外  
書十二卷以備一家之言余嘉其知崇先哲以啓後竟也再為識外書之  
在方

題吳山樵唱

吳伯恭弟叔從新能詩古近一体之態度蓋響俱占最上品克極所到何  
可當也曰天与吳門產絕奇喪予曾為景會噫如何長吉敦夫死又見  
恭從二妙詩



神道碑

元贈中奉大夫吏部尚書護軍清河郡元孝靖公神道碑

孝靖公姓元氏諱貞字譽之通奉大夫湖廣等處行中書省參知政事明

善之父也始者澄識參政於其少壯時視其才氣壓群於詣經詣書爬剔

糾結貫穿端杪其立辭也雄以則期其文學必為中州第一後十餘年被

遇先帝選充宮僚繼入翰苑歷特制直學士侍講侍讀即除禮部尚書參

知中書省事兩典貢舉凡所選擢悉自聖衷浸、向大用元之系蓋出拓

拔魏其先或云河南人後徙魏之清河系世積善孝靖公仕為小官有才

不獲施有德未獲報水木之有原本一旦發于是生者貴而死者亦貴以

公爵榮公之王考諱興王妣彭氏生三子其季公之考也考諱海誠篤和

厚與人無競嘗攝官政多所全活年八十有六而終妣高氏淑範遠識豫

知其孫必顯每指示人曰此孫骨氣非常它日能大吾門年七十有五而

終合葬清河祖塋生五子最幼者公也公讀書起家受將仕佐郎杭州在城酒使司知事再受慶源監場管勾范官為政恥脩庸流者屢能肅然韜藏深廣人莫能窺也至元己丑三月廿有三日以疾卒於蘇州年四十有二夫人弭氏同縣人公卒之次月十有四日亦卒享年如公之數生一子二女子參政也女適王適李大德甲辰十月某日葬清河新阡從遺命也公孝親友于兄仁於宗戚高夫人盛衰病背疽三月不愈公夫婦衣不解帶養不離寢子吮乳去膿婦以手鞠養其者稱嘆自為孝子孝婦至大庚戌參政任翰林待制恩贈公奉議大夫晚騎尉清河縣子弭夫人清河縣太君延祐丙辰參政任禮部尚書特旨封贈二代加贈公中奉大夫吏部尚書護軍追封清河郡公諡孝靖弭夫人追封清河郡夫人而公之考贈嘉議大夫秘書監太卿上駟車都尉追封清河郡侯諡貞惠公之妣追封清河郡夫人延祐己未參政自中書參議拜為翰林待讀自翰林待讀出參湖廣省政事其明年春新天子遣使召入集賢為學士澄已病留江州解后水驛請將樹碑于孝靖公之墓以澄之舊也令為文既不可辭乃叙其世次大槩而繫之以詩參政娶李氏初封清河縣君再封清河郡夫人

其子恂有旨特授將仕佐郎通事舍人特遷承務郎典瑞院判官明年又特加奉訓大夫皆殊恩也幼曰禹女一其詩曰賢昔郡公才鉅志崇養疾致慶孝出天襄卷韜金綸尺未試分甲甲小官而不縑塵天香向其躬身後則豐有爵有動有諡有封靈儀燦美上既考妣烜赫綸恩光耀閭里我原其初施腴報腹維善之積維慶之餘允也貞惠口活萬死爰速于公孫厚厥止皇澤法云孰大吾門維公有子貞惠有孫維公有子維帝嘉止窮碑勒辭百世有煒

大元榮祿大夫宣政使領延慶使贈推誠佐理功臣大帥開府儀同三司上柱國齊國文忠公神道碑  
公北廷人也諱繁實祿曾祖父某贈資善大夫中書右丞追封高昌郡公諡康懿曾祖母某氏追封高昌郡夫人祖父八察脫忽鄰贈榮祿大夫平章政事追封齊國公諡莊靖祖母八撒納追封齊國夫人父野薛涅贈錄青拜祿大夫司徒追封齊國公諡恭惠母八刺的斤追封齊國夫人恭惠生五男其二玉篤實是公之也其三公也年十八其仲兄年二十三俱請京師伯父引凡世祖皇帝在帝左右敕公給事東宮公恪勤謹

願朝夕常侍裕宗說賜鈔二千五百貫俾受部人小淫有二女長女妻公仲兄而次女為公之夫人中書省奏立延慶司授公朝列大夫同知延慶司事裕宗嘗謂公曰高昌回紇人皆貪惟女不染汚俗尚日用不足於我乎取一日覲宴裕宗問故對曰有家書來詳詢父母安否何如不竟遲久裕宗曰何不將父母就養丁人對曰人子之心孰不懷親宗相去萬餘里資糧厥獲之費重不能辦也奉旨馳驛往迎一歲乃至遂得終養以盡孝省臺有機密事裕宗令傳旨公辭不堪任使裕宗曰以汝沉重言乃不漏泄是以命汝裕宗升仙事徽仁太后成宗踐祚太后命公送顯宗就國公齎其道天祖皇帝世祖皇帝法服及往古近代旂行善行美德可法可學者願宗祭之賜衣一公還白太后大喜成宗曰汝善處吾兄弟之關陞嘉議大夫賜玉鑲帶香串帶各一太后升仙成宗駐蹕柳林亟召公謂公曰汝今當以事書父母之心事我授汝善大夫同知宣政院事領延慶使宣政院掌著僧往往歸其拘私公一新極飭凡事知省部列人曰宣政院為御使臺矣成宗聞而嘉獎謂裕皇篤眷此人真有知人之明蓋帝嘗欲擢用公以不閑風憲辭成宗得未疾公與尚醫理御察不暫離夜不

就寢寢不解衣或數月或期年留中丞夏病賜人勉其還家治疾公曰聖體尚未康為臣敢愛身乎惟啜淡粥數日自愈其事上聞有旨曰潔實弥爾一心愛君寧不愛身此人所難能又薦介其貧賜平江路田五十頃以贍其家進授榮祿大夫宣政使領延慶使至天初命譯佛經賜鈔五萬貫興聖太后謂公為先太后舊臣復令領延慶使辭以年老不許延祐間議錫國公爵辭以無功乃止於是但仍舊職而升延慶司為正二品公忠於君孝於親敬以事兄庶以持已常戒諸子曰兄弟宜和睦永父母分異也儒書宜習讀財利毋耽嗜也延祐二年十月十六日薨年六十三其明年二月十二日葬大都路宛平縣之漆園至治三年贈推誠佐理功臣大師開府儀同三司上柱國追封齊國公諡文忠夫人臘哥封齊國大夫人子男三答兒麻失里榮祿大夫宣政院使散散翰林侍讀學士中奉大夫知制誥同脩國史速速資德大夫湖廣等處行中書省右丞女二孫男五阿難答失里何育八刺阿麻刺失里亦馬刺失里阿育失里女二公之仲兄官于功德使司初以奉訓大夫為經歷業幾同知司事轉少中大夫繼受正議大夫同知總制院又受正奉大夫宣政副使而同知功德使司事並如前後

乃同知宣政院事轉資政大夫資德大夫贈存誠秉德功臣大傅開府儀  
同三司上柱國進封齊國公諡忠穆維文忠公來自遠域以庶勤慎密結  
主知恂恂然有周仁石奮之風諸子皆賢能至顯達擬于世勲之家云子  
與公之仲子侍讀在翰林國史院同僚以其將樹碑于公之墓遂乃為叙  
公家世官秩而繫之以詩其詩曰

若昔裕皇毓德青宮前星昴明勳效華重鑿鱗附翼海會川同慶  
濟濟清忠齊公西英翩然來東帝曰予嘉咨汝往從比于坊宋汝職汝供  
維公敦敏夙夜靖共裕皇祖方聖子御龍天寔儲才敷遺成宗帷幄舊人  
金玉宸躬至大延祐眷渥弥崇曾未老耄毫奄逝匆匆四朝左右一節始終  
生死俱榮褒贈有隆錫之九命國以上公說說良胤卓犖飛鴻聿為時彥  
咸代天工奕葉其光增賁前庸銘詩不朽如勒景鍾

元榮祿大夫平章政事趙國重忠宣公神道碑

董氏在河北號勳臣家其先諱俊起自畎畝勇力絕人金末應募長民兵  
既歸國朝知中山府以敢戰先士卒授龍虎衛上將軍左副元帥後攻金  
歸德死城下追諡忠烈再世諱文炳令景城二十餘年有惠愛數立戰功

以參知政事從丞相伯顏平江南功最著拜進中書左丞贈金紫光祿大  
夫平章正事諡忠獻公諱士選字舜卿忠烈之孫忠獻之子也至元九年  
忠獻築兩城於正陽以遏宋兵十年宋將來爭霖兩淮憑舟師薄城忠獻  
與戰矢貫左腋創甚不能弓城幾危公年甫二十一代父臨陣獲宋一將  
敵退城遂完忠獻發正陽趨安慶十年與丞相大兵合十二年公敗宋  
師于洪河口丁家洲大兵順流而東抵焦山宋人聯絡大艦絕江劔戟蔽  
天衆憚莫敢前公大呼突擊挫其前鋒諸將繼進兩軍皆殊死戰聲震山  
嶽飛矢如雨戰自寅至午宋軍力疲敗走是夜聞宋將逃入海公乘輕舟  
追之舟小不勝浪亡其維羅最大恐公色不小變俄頃風便適與大兵會  
衆咸喜公曰神天相佑也爾何知海寇張瑄有衆數千自宋時積悍忠獻  
命公嘗討使王世強招之公單舸造瑄所諭以威德瑄降得海船五百  
艘却其覬覦忠獻奉丞相分道趨宋都既至諸將爭走財物府公秋毫  
無犯慰安士民市肆不易將猶出郭鈔掠公言於忠獻下今禁止遠近  
帖然丞相歸奏功授公宣武將軍管軍總管佩金符宋臣以二王航海次  
福州聞尚為守公從忠獻定閩十四年班師扈重駕幸黑城進秩明威

將軍改佩金虎符十六年立前衛親軍進四勇大將軍元都指揮使建議  
設廬舍開屯田由是居者得安行者有養之夫長以下自擇者參半樞密  
院以斷事官爲公之副公以其不由軍功進表于戶姜廷珍代之師討日  
本自願効力世祖曰士退勳臣之子亡有委任僻遠小夷無勤其行二十  
三年命湖廣行樞密院事移疾去官以指揮使讓其弟士秀二十四年世  
祖征乃顏公問有召命先期率數騎詣軍世祖大喜謂公曰使汝父在朕  
可不自至此軍中多夜被驚家相伯顏奏用重士選伯衛公領漢軍夜直軍  
令肅然出祖曰朕得安寢矣戰捷還京是時權姦桑葛置尚書省以專國  
政公雖居閑常得預機密事世祖指公示桑葛曰此人廉直汝知之乎公  
持正不復權門雖不樂公亦不能加害二十八年世祖將誅桑葛夜遣近  
侍召公入謂公曰桑葛讒戾負朕朕私一人以病天下命平章不忽木  
與公商度桑葛及其黨皆抵罪時相獨此江淮省平章沙福丁復立行泉  
府司俾之典領以徵船商之輸謂國家出財負船商往海南貿易借贏  
萬數若沙福丁黜船必多逃匿恐虧國用世祖信其言公曰國家竭  
中原之力以平宋不得不取償於南方然新附之地人心驚疑初阿合馬

以要東木賊湖廣忽辛賊江淮民曰此聖上未之知尔及二賊誅民曰聖  
一果不知也桑葛以沙福丁賊江淮其毒甚於勿辛民怨之入骨又曰聖  
上亦未之知也今桑葛之黨皆逐而沙福丁獨田恐失民心民心一失收  
之甚難得財貨之利輕失民心之害重何況海商家在中土其性必復行  
省自能喪其所有何以沙福丁爲世祖瞿然曰此言是也再三嘉獎賜公  
白金五千兩授驃騎衛上將軍江淮行省左丞陞辟日間公讀曹彬傳  
對曰嘗讀曹彬止是不殺降一事汝父之功過於彬汝效汝父足矣  
汝父清苦自勵平宋不戮一人至今民感其恩今命汝往江南之民見汝  
猶是汝父汝其悉心蘇凋瘵之民以稱朕意生民是揚僧立司于杭總攝僧  
教貪淫無賴真敢誰何公受密旨明正其罪械之於市士民聚觀稱快公  
興利除害惟恐負臨遣之命同列多不協歸觀于朝世祖與語自日晏至  
夜且日卿以同列非人而勇退彼自爲惡汝自爲善焉能說汝改食江南  
行樞密院事浙有嚴山湖聚眾流之水暴民塞湖營居永無所稽汎益  
湖間爲居民害有議及者輒受賂而止公令有司撤其居而復爲湖成宗  
嗣位授資善大夫江西行省左丞贛屬縣有狂民爲亂公往平之得所籍

御女姓名十餘萬公曰此蓋脇從良民焚其籍賊巢近地之民阻山為此  
以自保公屏眾單騎登山遣人諭之曰汝皆良民懼官軍戮尔身俘尔  
孥是以固守今省官親在此汝宜出見民皆釋執壺酒迎拜曰天遣公  
來活我公曰汝可率妻子復業我與多男女悉從公下山約束無得擾  
贛民以宜有誣告富戶數十與賊通謀公使掾元明善鞠之自伏其誣  
死於是無敢汚贛良民者公雖贛民數萬進道拜送曰父母生我人於有  
之初今公生我於既死之後我無以報德惟人能報公也遂立生祠祠公  
焉遷南臺御史中丞入僉樞密院事時軍政蠹壞卒兩之長應昇職而無  
賂者遲遲弗昇淹滯數百餘人連歲旅食其室凍餒乞正公視例當予者  
即日發遣俾各還營壘所輔員黷不公悉遭決罰太裨交冗濫之員皆  
征夫重難之役以紀軍力會御史中丞下忽木卒朝議難其繼時相有所  
舉用成宗曰廉介公正誰能出重七選之右惟此人可特授資德大夫御  
史中丞領特儀司事公且日阿合馬桑葛敗出祖嘗責臺臣緘默令御史  
舉劾必令有司覆實及古翰林院宣政院及宿司所行多壞法亂紀而御  
史臺不得預是沮遏臺臣不使之言也非世祖意宗正處斷天碑但馮

語曰言無吏牘可覆視人命至重軍無枉濫合如諸司詳具獄辭御史臺  
審覈無冤乃可施刑譬雁羣飼馳馬之徒擾民特甚宜嚴禁戢京畿平桑  
等處餞請施山澤之禁而禁釀穀價得不踴江西富家有親子而立異姓  
子為長子藉其資以游俠傾動朝野致位行省參政其親子既長懼不得  
父專其家異姓子之弟結寇夜入殺其親子而歸獄於無辜之人賄編中  
外勢援盤結其屈莫得而伸或訴于臺公允治明白以其狀上聞異姓子  
之兄弟俱棄市復其故姓而家資悉歸于親子之子公論躡之左丞劉琛  
以征八百國之利感時相公入諫成宗曰朕意已決卿其勿言公曰臣居  
言職事關利害豈敢阿徇小夷不靖當遣使詢詰設有不服與兵未晚今  
其過惡未著師出無名暑天瘴癘山路險遠征行之苦轉輸之勞奚啻動  
百萬衆竊慮變生意外它日臣有不言之罪成宗曰朕不汝辜也又見時  
相言損有用之民取無用之地時相曰彼地出金何謂無用公曰國以民  
為寶不以金為寶糜爛其民而圖得金豈國之利哉時相不悅師遂西果  
大甸供饒道斃者亦數萬成宗曰吾愧見善士選矣召公與少省臣議公曰  
首將非才貪真兵冒進其敗宜也惟當赦袁撫近厚恤死士之家斬劉琛以

皇其誤國殄民而已又言近年以來星彗象霜殺蟲象饑饉存殽災延  
太廟上天之譴告至矣皆執政非人澤不下究宜蠲積弊與天下更始出  
為江浙行省右丞徙河南不赴武宗立除河南江北行省平章亦不赴仁  
宗初與弟士珍俱召除榮祿大夫陝西行省平章歲餘謁告得旨給驛還  
家灌園種田琴書自娛賓客過從談笑終日世事了不關心卧疾五載竟  
弗療至治元年正月二十二日薨年六十九二月二十三日葬于九門先  
望之東贈某功臣某官追封趙國公諡忠宣夫人張氏無子封趙國夫人  
諸妾有子者各以子貴受封子男十守恕懷遠大將軍前衛親軍都指揮  
使守愚先卒守愿守愨<sup>號</sup>大夫太常禮儀院判官守思奉訓大夫保定路遂  
州知州守惠命為弟士秀後其其其其一適資善大夫典瑞院使張  
其一在室孫男九鑑鑄欽其六幼孫女一適千戶王其其餘幼音忠獻內  
範莊粟言笑不苟一作一息無非義勢公少而就傳漸清詩書閑練禮法  
坦明易直沉毅維億南征北討天小數戰臨難勇赴應慈奇捷義死不  
以爲難倖生不以為榮既解軍柄請<sup>廷</sup>虎符世祖不許曰雖位至宰輔猶  
佩之以旌伐也處大事決大<sup>戰</sup>色和而語壯心斷之以經術惟以國之利

病民之休戚為心它有弗便弗顧也異已者雖甚忌公然私竊心服曰正  
人也里人為不善畏公知之族人詣公辨曲直望門輒止受累朝寵錫歸  
必分賚宗黨之貧者軍中所俘獲遺命命諸子悉縱為民家徒四壁立意  
豁如也比其終廩無遺粟庫無遺財嗚呼真古所謂大丈夫哉澄也嘗察  
公知公歿之三年承之史館公之諸子將樹碑墓道乃遺書公行事大槩  
如右而詩之于其左公所居之縣曰棗城屬真定其詩曰

棗城之董三出殊勲忠獻有子忠烈有孫維忠宣公弱冠即戎損軀而前  
莫當其鋒忠臣報君孝子從父不殺如彬底定南土折衝奮勇洗洗武夫  
立朝正色侃侃文儒衛率重權推讓不弟閑退七年常預密議苟利民社  
知無不言驟忤貴倖百挫不遷入司省府軍政整肅出釐省務吏姦戢縮  
薦賢為國匪市恩私公不自多或鮮知視彼有善若己所能舊家名冑  
汲引同升士出門下類成大器傲而卒史感至臚仕秉心如鐵堅莫可摧  
赴義如川勇莫可回其廉於身一介不取其惠於人千金亦與拉官可畏  
嚴嚴秋霜居家可愛詢諸春陽良用憂志氣靡慊生甘澹泊死之葬欽  
符嗟殄瘁星隕山頽千載九門墓若蓬鬼

故光祿大夫江南諸道行御史臺大夫贈銀青榮祿大夫江浙等處  
行中書省左丞相上柱國魯國元獻公神道碑

公忙兀氏名伯都高祖畏答兒辟禪事太祖皇帝敵所擒戰大捷腦中流  
矢踰月隕命論功封萬戶太宗皇帝益以泰安州二萬戶封其子忙哥為  
郡王與十功臣並曾祖鐵木合祖唆魯火都從征伐立殊勳歿於死父  
博魯魯初為斷事官世祖皇帝命前勳李璫有功又治大獄無旨進昭勇大  
將軍右衛親軍都指揮使加金吾衛上將軍中書右丞取江南時統軍下  
淮東諸郡宋平益封桂陽僉書樞密院事繼授甘肅行省平章政事江南  
諸道行御史臺大夫病免乃牙叛率五諸侯討之益高郵五百戶真食以  
江浙行省平章政事終于位贈推忠宣力贊運功臣太師諡武穆而公祖  
父贈推忠宣力佐運功臣大尉諡忠定曾祖又贈純誠保德翊戴功臣太  
尉諡武毅三代並階開府儀同三司勳上柱國追封泰安王母王氏封泰  
安王夫人故母性烈真氏札刺真氏祖母唐兀真氏曾祖母瓮吉刺氏俱  
追封王夫人公自幼穎出不以貴戚出處自痛比長學不怠事武穆王克  
脩子職或勸之杜以不為違遠去職事母夫人王氏益謹人稱純

孝伯仲間欲析異故產任其自取悉弗與較捐已資以嫁諸妹上而朝議  
下而士論靡不以公為善人無一可疵者大德五年御史府上其才行擢  
為中順大夫江東道廉訪副使十年改中憲大夫江南行臺侍御史明年  
江南大饑遣馬駟聞請以十道贖金留贖賑濟轉少中大夫僉書樞密院  
事至大二年進階資善江南行御史臺大夫四年進階榮祿遷治陝西行  
臺武宗賜玉帶一及錢五萬緡公固辭不允則受緡錢五之一又不允然  
後受延祐元年授光祿大夫甘肅行省平章政事時米直踴甚公通治糧  
道其年直頓減明年又減計歲崇之費省緡錢四十萬有奇兵饑既足民  
食亦饒仁宗嘉其功賜錢五千緡及海東名鷹甲冑弓矢三年冬關陝有  
變公抵岐王府謀議撤各鎮兵執叛黨脩武備得民間馬五百匹以助進  
討四年遷江浙省治以不擾民情大悅仁宗賜珠衣勞獎召為太子賓客  
輔道廢有缺違上書陳古先聖帝正心脩身之道仁宗嘉納賜表一復除南  
臺御史大夫興聖太后以賓客宜朝夕侍儲宮止其行既而公目疾作辭  
官退居淮南之高郵英宗至治元年又命為御史大夫以目疾不拜詔以  
平章祿養于家仍飭內臣馳驅江南求空青治其疾二年春來朝賜金文



衣及藥一全復南還三年賜錢五萬緡及西酒西藥公辭謝謂曩膺重寄猶懼弗稱今已病廢豈敢邀叨厚祿且受重賜乎竟不受賜并歸所給平章祿今天子奉定元年公再來朝疾愈革上遣侍醫診視賜脫乳良藥卒不起薨于京師贈銀青榮祿大夫江浙行中書省左丞相上柱國追封魯國公謚元獻朝議公無生業母老子幼賜錢二萬五千緡墓臣又奏賜錢三萬五千緡仍以前所解平章祿給之其夫人固辭曰始夫子仕於朝且不敢食廩稍今歿矣苟是祿非夫子意也夫人治喪悉從古制又築室買田顧護兆域踰時太夫人王氏亦喪夫人毀戚殊劇人愈歎公德之其刑于家者如此夫人崔吉刺氏右丞太納之女生男一女一公歷仕四朝顯揚中外然謙抑不居以故聲譽不赫赫表暴於世薨之日橐無遺金施無鮮衣聞者莫不嗟悼焉翰林直學士馬相常狀公行而朝之人俾前翰林學士吳澄文其墓道之碑澄固嘗聞公德美於是叙列所狀如右而作銘詩以綴于左銘曰

堂堂世卿歆然弗矜便優材能退然弗勝克孝克誠先德是繩友弟恭兄靡計齒齠內行之完治移於官不劇不園史戡民安累朝耆遇匪頒異數或受或否具中節度晚違迨薨歸卧淮甸屋梁慕戀二再入見入見之時皇心孔怡天不慙遺疇不吁謫帝良者舊矣終從厚而公良耦陳誼不苟搢紳聞言嘉歎貞取謂公忠賢教始闡門猶公盛美嗚呼已矣彭于百世史氏所紀

元故中奉大夫嶺北湖南道肅政廉訪使鄧公神道碑

故中奉大夫嶺北湖南道肅政廉訪使姓鄧氏諱文原字善之其先蜀人寓杭州再世蚤慧工文年十有五已中進士舉遠南服歸國市德弗權訓授生徒以給親養雖憂窮約事生喪死必盡歡竭誠未嘗肯輕出謁鉅公敬禮每造其廬焉路多知名年三十一浙省撤充抗學正大德戊戌部注崇德州教授越四年辛丑授應奉翰林文字越五年乙巳陞齊南撰至大戊申考滿進階仍舊職越三年庚戌出任江浙儒學提舉皇慶壬子入為國子司業延祐丁巳遷翰林待制明年戊午命浙西道肅政廉訪司事又明年己未改江東道至治壬戌召為集賢直學士癸亥進階兼國子祭酒泰定甲子直經筵其冬移疾去官明年乙丑以翰林待講學士召又明年丙寅除湖南憲使俱不赴致和戊辰五月二十一日甲申終於杭年七十子

衍書來曰先君不幸至於大故既葬矣而墓石未銘也先生知先君深者  
敢以為請澄適卧病得書而哭病小間乃追憶舊事初至元間吳興趙承  
旨子孟頫子昂為澄歷言其師友姓名而善之與焉及善之為翰林應奉澄  
識之繼由翰林待制出江浙時澄官曹監追復其行又其後以集賢直學士  
兼祭酒時澄承乏禁林次年同預經筵之選嗚呼孰謂後子十年而生遽  
先棄子而沒乎哀哉善之丰資温粹儀矩端嚴其教于家孰鄰摩國監也  
從學者皆有長益詩文博雅坐潔如玉字法迥媚與趙承旨伯仲趙既逝  
欲求善書人舍是殆無可應詔持憲兩道游仲民寃至今有遺愛詞死代  
言史館脩書悉合體製表在儒臣中聲實相副者也有文集內制臺讀易類  
編具存官階地將仕佐郎至承德奉訓大夫至中奉曾大考從勳姓楊氏  
大考昭祖累贈嘉議大夫成都路總管上輕車都尉南陽郡侯妣雍氏追  
封南陽郡夫人考澄累贈中奉大夫四川等處行中書省參知政事護軍  
南陽郡公妣孫氏游氏俱封南陽郡夫人其配南陽郡夫人徐氏前一  
月卒子衍承父澤儒林等處儒學副提舉女子子承嘉承宜承和  
書院山長史公林司併

笑西其宅湖州路德清縣千秋鄉百登山之麓徐夫人附系本鄉鎮西  
軍苗裔去秦入蜀居資徒居綿之彰明參政公避蜀兵難始寓於云銘

岷峨鉅儒前有相如王揚二蘇宋慶南吳固若木子若魏卓尔汝茲歿吾善之  
蜀產之遺際今明時藝精點染文焰燦燦輝映珞璋帝制皇瑋其述討論  
身沒言存澄清攬鏡伸枉出帶靈蛇珍飾提誨諄諄承學彬彬日補聞人  
中朝望遠宸極優寵急退何曾大杜老員朱雁雀存身島為其然刻詩墓隧  
昭示來世知者墮煥

上卿大宗師輔成贊化保運神德真君張公道行碑

周之中世至人神人出焉其心有得於天地之所以廣大造化之所以長  
久而以無為自然為道見而傳之者闕若長聞而傳之者蒙莊氏也其說  
之衍自周之末閱秦之亂至漢之初隱身而避出之士往往能變窮其緒  
餘故張留侯受教於下邳之老父曹相國受教於膠西之蓋公一則以之  
佐高祖而創業一則以之佐惠帝而守成孝文承其遺風玄默恭儉俗化  
篤厚民底殷富天下太平幾於刑措明效章章如此是以漢初知老子關

尹蒙莊之道而鮮獲知有堯舜文王周孔之道也當時叙學術以道屬之  
老子自其徒為道家者流列于儒家者流之上學術既裂宗孔氏者謂之  
儒宗老氏者謂之道士儒不得以與道之名而道士得以專道之名夫通  
天地人曰儒儒而不通天地人其不與得道之名也固當名以道士而不  
稍聞無為自然之藩其得專道之名也寧無其實不稱之慙乎唐宋間道  
士各存實亡況其教與世而俱降相無為自然之道霄壤矣皇元太祖皇  
帝開基時則有全真道士託老子長生久視之說以自神逮世祖皇帝混  
同海宇而神德真五張公親上悅即兩都皆建崇真宮居之公鶴身虬  
頰川行山立長及空山勿欲清靜簡易與世休息所言深契宸猷於是寵遇  
日隆比干親臣俾公號天師公辭避命議公稱號必極其尊廷議曰上卿  
維宜乃號公上卿去天子之卿大而氣宰第一為上諸侯之卿三而司徒  
第一為上冢宰者王天下之相也司徒者一國之相也以古天子諸侯之相  
稱公尊之極矣公之少瀉值相者謂公位極人臣神仙宰相至是而其言  
果驗未幾又號玄教大宗師成宗朝加同知集賢院事武宗朝加大真人  
知集賢院事位上卿上尋加特進仁宗朝進開府儀同三司以輔成

贊化保運動號玉刻玄教太宗師印以授故公掌教幾五十年天下宮觀  
賴公徃役之奏慈儉之化者其何可言及厭世而英宗皇帝嗟悼遣大臣  
臨賻勅有司禮葬於縣之南山公歷事五朝聖眷如一越十年而今上皇  
帝特封神德真君昔公之存也宮林示邸第鉅族故家待公如神明朝廷館  
閣大臣達官禮公如父師際會之榮尊貴之極從古以來未之有也而公  
視之若無未嘗萌絲髮滿假之意蕭然山間林下之矧仙非其天質之美  
真合老氏不欲盈之道何能若是且有長在也而不自矜有功在人而不  
自伐丁時之盛而不處其盛都本教茂加之名躋官階極品之位而遂然  
殿後斯所謂去甚去泰不敢先者乎累聖錫公皆范金為冠集寶為飾衣  
裳縷金織文佩綬劔履貫珠絡玉其直不貴而公平居常服取且澣濯上  
尊之酌太官之膳日有餽而公飲食菲薄不逾中人觀乎此則知公以服  
文彩厭飲食者為非道矣予固怪公卑抑之過而公終身弗改其素接人  
不間貴賤少長俱致勤重畧無慢忽噫不可及也已老子言王公以孤寡  
不穀為稱道之好下賤也南華言博真人以濡弱謙下為表道之惡驕  
夸也公其亦然故公之弟子薛彥誠以予之美言喜公也斷予述公道行

予故撫公之行凡侔於老子之道者書而道好之物烜赫一時炫耀流俗人所共歎羨者不書也公諱魯孫字師漢信之貴溪縣人也其流入室升堂予所及知者嗣大宗師曰吳全節行嗣師事曰夏文泳有職掌者余以誠何恩榮孫益謙李奕芳毛穎達舒致祥王御前宮觀者薛廷鳳丁應松張德隆薛玄義餘百十人載蜀郡唐集所撰公墓志集曰公門人多聰明特達有識量材器可以用世而退然謹守其教師友間雍雍恂恂如古君子家法則公之道其可以淺近議哉澄於公之道行既書之如前後詩之于後詩曰

聃也猶龍玄天爲宗本賤基下忌高畏宗歆焉不盈維道之盅輓世還淳邇彼皇風漢初救敝爰躡遺蹟休息瘡痍民和年豐皇元混一俊乂雲從有方外臣自外留中治務清靜謀協淵東出入禁闈天寵日隆聖子神孫眷渥齊同惴慄尊榮感幸遭逢純誠報隨事獻忠五朝一心善始善終繫神德君卑讓謙恭不居其盛不有其功敦兮若璞符德之容懿茲行實與道混融愧脩孔道時克如公述公道行以勗我躬

臨川吳文正公集

卷之六十五

支三十四

重編

墓碑

有元同知東川路總管府事孫侯墓碑

至大四年十月朔同知東川路總管府事孫侯以疾終于家其明年十二月將葬前淑浦縣尹蕭君以書來爲其孤福齡請徵文以表墓隧之碑孫蕭親也蕭子舊也其請不可違孫鉅族也侯美士也其美有足揚者遂不復辭謹按孫氏有三其一姬姓衛公子惠孫之後其一芊姓楚令尹叔敖之後其一媯姓齊陳無宇曰孫栢子其曾孫武奔吳爲闔閭將著兵法十三篇唐末有百將者率師駐屢屢化留而弗去屢屢化今贛寧都也孫氏爲贛寧都人自此始在宋有介夫者與蘇文忠公遊侯之曾大父汝成大父延休父德成世世韞德至侯彌昌侯諱之龍字壽甫家饒於貲身饒於文早年以進士貢平生嗜利如羽嗜義如鴻九凶荒死喪患難危急不聞戚跡迹遠周之拯之惟恐或後橋梁道路病於陵履必爲完治雖費不

計聖朝及江南山藪遐僻乘時嘯聚侯行衛并星獲全生聚者不啻數十百家行省權充南安路儒學正考滿勅授慶遠南丹溪洞等處軍民安撫司儒學教授一以周孔之教變殊俗休暇之日引古援今懇懇以告司政之官多所匡救裨益大德九年轉授同知歸仁州事越七年而有東川之命由將仕佐郎陞登仕郎不及拜命而卒年七十一初娶張氏生男二清臣獻臣丁丑歲俱殲于兵再娶揭氏以其子延臣歸侯子之若子名在吏部八品選中父有庶子九齡侯亦子之若子父命也三娶曾氏生男五福齡勅授瑞州路上高縣長官祿齡壽齡高齡女六適趙適楊適唐適胡適朱其季許適蕭戾子順孫命為廷臣之子孫男曾孫孫女一嗚呼侯富康而壽考子孫才資而蕃衍浸浸顯榮非好德之福積善之慶乎心潛於義理文雄於場屋誌侯之墓者云耳文章不及鳴於館閣政事不及福於當道狀侯之行者云耳子夙聞侯譽又稽狀與誌而序其槩如此繫之以銘銘曰

恂恂文儒行旅鄉閭善譽素周天人交孚晚毓英胄繫德之符小試儒官施未寸進貳郡牧胡不須臾時用之齋後慶之腴穹碑厚趺百世弗渝若稽前美允休允都

元贈亞中大夫輕車都尉懷孟路總管武功縣侯蘇府君墓碑

府君諱偉字大用其先自忻代徙順德大父元仕官號猛安謀克大母栗氏父清金拱衛指揮使皇朝贈中順大夫上騎都尉同知延慶使司事追封武功郡伯母李氏追封武功郡君中順二子長傑仕于廣平路府君其次也孝友寬慈篤厚信實法獵子史尤喜撰述漆園之書收貯時賢詩文為家珍采拾善人言行為身範不求榮進勤力治生家用饒裕量一歲所入所出幾何贏餘悉以賑貧歲有常數凶歲則信官所勸率不與焉內而族親外而鄉閭饑者食之寒者衣之病者藥之死者棺之孤寡無衣者居之養之婚媾失時者室之寡之惠加於人不自以為德或忘恩負義橫逆來侵待之如常略不芥蒂追考其先事亡如存晨夕必面朔望必薦雖隆寒盛暑疾風暴雨不廢每勸子孫謂吾自幼知讀書為美事理家勞疾無暇時可學抱憾終身汝等庇蔭之下飽暖逸居不學將何為哉子孫承命競勗學業名鄉巨儒踵門隆禮尊崇諮訪為善之方竟日不憚諸子出外備防禦之器則喻之曰寇盜豈欲成害人利其財耳設有不虞會財全

軀彼如我何且為善有福為惡有禍汝輩但勉為善終不蹈危厄九訓戒  
之言中倫慮達義命往往類此至元甲午二月八日卒年六十八以子貴  
贈亞中大夫輕車都尉懷孟路總管追封武功郡侯夫人劉氏淑慎寡言  
年六十九追封武功郡夫人子四思溫思讓思敬思義克紹前志輕財好  
惠自大德乙巳至延祐己未十五年間以米賑施及減價平糶不啻數千  
斛楮幣五萬緡置局市藥所得子錢脩藥劑以濟貧病之人不取其直有  
戚屬不能自贍出貲俾販鬻逐利因是豐足者數十家思敬終廣福提舉  
陞廣福監大監孫十二楨椿楫森栢朴材杞桂其十蘇同字仲元名木處  
區準史遷稱趙談為趙同例也其十一曰其十二曰桐楫漆仲元俱仕  
中朝朴嗜文學別立在長蘆鎮曾孫志學志道鶴童志孝任為長史大監  
兄弟將刻石府君之墓仲元求予文文之予謂府君積善樂施獲報於天  
身存而富身歿而貴流慶衍迨未艾也福善之理豈不昭昭也哉乃序其  
事而系以銘詩詩曰順德之慈從自忻代爰逮亞中浸浸豐大惻彼空窶  
猶已寒饑衣食所賴棄捐如遺施不責報時謂陰德天醉其獻如稼必穡

錫命寵光貫于九泉世肖繩繩霄翺聯翩富貴在天維以福善勸名表  
彌文彌顯

元中子碑

元中子黎氏諱立武字以常臨江新喻人年二十八太學二十六擢進士  
第三人大父母父母具存一時榮之授承事郎簽書鎮南軍節度判官明  
年奉四親之官又明年秋貢校文撫州又明年除太學錄又明年通判袁  
州就任轉宣教郎明年冬除宗正寺簿明年夏兼莊文府教授召試館職  
除秘書校書冬轉奉議郎以祖母憂去國明年春除佐著作夏轉承議郎  
秋除著作赴國難趨朝明年春除軍器少監國子司業且將大用而國事  
去失間道來歸備歷艱險自是閒居三紀逮事二親猶二十年此來違官  
聞譽望親風采禮之如天人詠訪相屬或延致或就見焉意度安舒威儀  
整暇不待交談人已起敬請言豐饜每至夜分雞鳴復興了無倦色少年  
高科常懷謙抑篤志嗜學一如未仕處太學時有同舍先達捐介人也數  
舉前脩格言相警發持已接物資益維多佐洪府時歲饑有同僚言殺一  
牛活萬蟻欲籍富戶賑貧民駭之曰萬蟻固何憐一牛何罪而死衆稱善

噫有德之言哉官秘省時閱官書愛二郭氏中庸郭游程門新喻謝尚書  
仕夷陵嘗傳其學將由謝沂郭以嗣其傳故於大學中庸等書間與世所  
宗尚者異義生平著述積藁如山演繹舊聞敷暢新得有圖有贊有講義  
諸篇悉錄諸木當路好事者往往取去去年六十八微疾端坐而逝越六十  
歲在單闕日次星紀月離天街啓殯葬于塋莊之原祖考瑛迪功郎考士  
雲宣義郎祖妣黃氏妣蕭氏娶黃氏教氏俱封孺人子男三本彊本正本  
成女四婿胡簡徐教孫男五元衍公衍宗衍師衍祖衍女六伯兄立言國  
學進士好讀易纂諸儒所得成一書澄撫州校文時所貢士也後三十八  
年始拜座主于清江之容舍一觀容貌心醉神融喟然曰世有斯人與世  
有斯人與廊廟器也福德身也蓋雍容和粹氣象彷彿河南程伯子云昔  
關西張子存私謚明誠中子質之程伯子司馬公弗可遂止黎之孤暨門  
人授王文中爲比以元中易名伯兄詳其事爲狀傳于世諸孤約其文爲  
誌納于壙矣噫蓋有貞曜陸有文通河汶而後已然澄亦門人也而弗得  
與斯議也乃稽狀與誌取其九以碑爲墓誌銘曰  
維德之半玉色山之師詹鳳儀時泣麟泣斯焉斯逢斯逢斯豐猗與元中

有百世公

耿縣丞封贈碑

高唐齊邑也幼讀孟子時知之令升爲州至元間嘗過其地在京城識學  
士閻公高唐人也越三十一年在金縣職縣丞耿君亦高唐人也君名居  
簡從事廣東宣慰司都元帥府考滿受勅命初任將仕佐郎臨江路知事  
再任從事郎丞金縣欽遇聖朝待臣之厚官七品得封贈人母妻恩綸將  
下欲樹碑二親墓遂徵文於予竊觀耿君自爲吏入官靡所玷缺仕每瘁  
職臣之忠也拳拳焉以追贈其親爲祭子之孝也孝者仁也仁者必忠忠  
者義也義者必廉夫苟忠於國孝於家廉於己惠於民則爲人之大端具  
矣子安得不嘉其已往而勸其方來也哉君之父諱潤贈某官母李氏贈  
某稱妻劉氏封曰某別書于左

故右衛親軍千戶武略岳將軍墓碑

宣授武略將軍右衛親軍千戶諱元鎮姓岳氏古脩人涉獵書史氣渾厚  
志推邁處家御衆有法父喪自國初化化效勞任景慶陵三州判官至元  
京錄事而終將軍應募從戎戎帥以其父克勤王事俾長百

校若矢中股從攻樊城先登矢中頰從攻漢陽西墉從攻鄂  
有功又於岳州湖口獲數十艘俘百餘人以獻中統以後從征李璘於濟  
南又有功至元五年充右衛總把天朝乃有事於南方從攻安慶從攻淮  
安五河口十二年授忠靖校尉十三年又戰于淮安而勝帥府以功上監  
忠顯江南平軍使知其閑習軍務令督軍器局十五年佩銀符陞忠武程  
府調往上都率卒供土末役役罷進長十夫二十四年佩金符授武略將  
軍宿衛十餘年年六十八致仕娶李氏男四長蚤逝次信次貞次子順女  
二長適萬戶之子高其次適右衛千戶鄭銓信以敦武校尉百戶成嶺北  
後讓職于弟貞貞在嶺北屯田軍食饒裕還守信安西水清壁迄今二十  
餘年介國子學生姚絃來言曰貞賴先人緒業從事兵間念吾祖吾父盡  
瘁報國備著勞績恐久遠沈湮願勒文于石庶其不朽敢以鳥請子請皇  
元自開國至于宋亡用兵百有餘年以殺獲攻戰立功者多矣而父被堅  
執銃蹈死弗顧名歸于主帥而能追念而公勸其名之存孝子也乃為叙  
其事跡如右將軍之兄弟九人安鎮喜文學朝列大夫江淮樵茶提舉崇  
鎮河間路楊元景州興魯鎮撫餘不任銘曰

天朝用兵虎視龍驤昔名天錫半化侯王將軍忠勇未大顯揚勒銘厥後  
永世用章

元贈少中大夫輕車都尉彭城郡劉侯封彭城郡張氏太夫人墓碑  
至大二年夏天子推恩於其臣尚書省右司郎中劉安仁封贈二代祖考  
贈中順大夫上騎都尉彭城郡伯祖妣贈彭城郡太君考贈少中大夫輕  
車都尉彭城郡侯母封彭城郡太夫人越十有三年太夫人卒其明年郎  
中自江西奉母喪歸葬與臨川吳澄邂逅於建康衰經涕泣而言曰安仁  
之祖若父積善種德生不享其豐隆荷國厚恩賜爵于身後未能立石墓  
隧以光昭天寵今吾母歸祔吾父之兆斷一言垂不朽且曰吾父諱誠東  
昌堂邑人古貌美髯儀觀甚偉淳謹和易長厚忠信嘗訓安仁曰吾寧忍  
貧不使汝殖生肥家使汝就學者欲汝親師敬友培植漸漬知立身大節  
嘗義若芻豢利若蛇蝎以無忝其先出今人率曰毫芒之得致負丘山  
之累亦由父母不訓以義而責以利故然以貨財殺子孫吾不為也安仁  
年二十四為行省掾始得祿繼任衡州路總管府知事南康路建昌縣丞  
將母就養至元之季征交趾馬價頓增安仁官滿留家餘



五倍於初直吾父曰兵將買馬為國出力止依初直售之鄉里對其義  
因訓安仁曰家之饒之由乎天多取馬價奚為哉汝祖父有言士不能忍  
窮一事不能立汝今食祿矣但守公廉勤三字何所不利凡事宜加堅忍  
堅忍則憂大患難不懼憂大富貴不矜始可謂大丈夫苟得於一時遺臭  
於久遠汝其戒之又五年安仁任饒州路餘干州判官大德二年六月二  
十一日吾父終于家年六十有三七月訃至安仁奔赴成服葬于侯壩鎮  
南原之祖塋吾母張氏問邑里貞靜懿淑表裏一實孝養祖父母事吾父  
敬順不違待賓客竭家之所有缺則借貸以給安仁六歲讀書母晝促其  
學夜課其誦子未成誦母已先記曰汝襟抱中不聞啼聲人謂異於常兒  
長必可教家雖貧不廢汝學期汝燭理兩義雖東餒無憾若夫祭達則有  
命安仁年十九從師江淮母寄書以訓謂宜明綱常之道除潭州路治中  
時寓居建康吾母七十有七矣慮大江洞庭汭流四千餘里風濤險惡欲  
辭職侍親吾母訓曰汝起白屋際明時三歷州縣官入朝掾中書擢工部  
主事由御史臺監察御史陞都事由尚書省右司員外郎陞郎中先世受  
贈我亦受封其何以報國法以我年老而欲辭官耶奉職養親忠孝兩得

補所祐也舟行何懼焉皇慶二年正月二十四日發建康行近蕪湖西北  
雲集風起并力牽拽先客舟而行艤費巨航在前弗讓母曰勿爭先也彼  
航牽纜忽斷旋流而下我舟遂得先進夜鼓一更始泊未幾雷電風雨霰  
雹交作厥明問之棹舟多有損者又行日亭中舟人曰過此無可泊之所  
母曰雖早可止舟甫定大風浪及暮大霧靈霄與雨雜下三晝夜乃已  
他舟亦損此獨無恙若得神祐云既至長沙吾母訓曰劉門素以積善聞  
汝歷官十餘任舉家食君之祿又獲封贈之榮合思報稱汝父常云惟廉  
勤可道吏責惟公平可服人心汝宜堅守不移在官六年無代值歲荒民  
飢吾母訓曰民為邦本固邦寧民不得食猶已饑之邦本不保汝心安  
乎於是移文上司未奉明降未開官倉減價賑糶參高斛又勸有穀之家  
貸拾萬餘斛施一萬餘斛吾母喜曰汝職分所當為也由是饑民得濟野  
無餓殍就任改除江西行省左方司郎中奉母居洞庭出大江頃流而下  
入彭蠡泝流而上以達于洪居洪三年而天降訃至治元年十月十一日  
吾母終于官年八十有五安仁才多學淺叨祿四十年幸免缺敗皆父  
母遺訓所及無以答罔極之德惟立言君子賜之撰述俾遺

孤之願也敢以誌之  
謂郎中行已守官庶幾古名臣之風今聞其家訓如此則熏沐成就固有  
所自乃為秩序其言如右而詩之以置于左郡侯之考郡伯諱義妣太君  
王氏子二長郎中次其力農治家孫男五長祐先歿次禧次禎次祐次  
禔孫女三長適郭次適杜次幼詩曰  
累胤陶唐支遠流長漢訖宋金蕃綬相望我侯之劉蔡自東昌為庶于今  
弗耀弗彰願極斯發樞鏡省郎襟襟樞樞顯顯圭璋帝降恩言予臣孔臧  
尔祖尔父被予休光有官有勳錫爵昨疆哀死榮生用勸忠良於維郡侯  
舊封若堂維郡夫人新祐茲藏嚴嚴遺訓孤也敢忘子子孫孫春露秋霜  
穹碑蓋吸天龍燿煌永世垂輝徵此詩章

臨川吳文正公集

卷之六十六

支言十四

重編

墓碑

趙郡賈氏先塋碑

揚州路總管賈庭瑞蒙恩

寵光謂國史院官員澄曰庭

李氏父諱諒以學業為鄉里

其志長育不肖孤教之以必

罕所知始然服屬未嘗離土

行江浙省事時任都事如在

吏部繼除樞密院都事戶部

終除兵部郎中尚書省立除

養親尚書省廢而庭瑞居母

筵遇聖時錫命及二代祖父

贈其祖父母父母將勒石先塋以揚天子之  
瑞家趙州栢鄉縣祖父諱受不仕祖母魯氏  
師不幸蚤世母滑氏自誓靡他父母不能奪  
書比長出而從事謀為故丞相順德王答刺  
丞相行湖廣省事時任檢校又任都事丞相  
朝總百揆庭瑞主事刑部遷  
大德五年贊丞相定國大計丞相既  
宣徽院改除度支少監以忤近侍棄官  
除揚州路總管又以不能熈媚去職

威郡侯祖母並追封武威郡夫人父贈嘉議大夫禮部尚書一輕亨都尉  
追封武威郡侯母前時嘗以首飾旌表今追封武威郡夫人竊惟國家之  
厚於臣子蓋以勵忠孝顧庭瑞何以報稱然君賜之榮世世子孫弗敢忘  
吾子昇一言文諸碑以收先靈以觀來裔庭瑞之願也澄夙聞晉侯剛直  
不撓位官能為人之所不能為既廉且勇允矣良吏非其先世所積而然  
與則諾而述所聞以詩之曰

向直賈侯如百鍊金遇事譎譎愧彼齷齪昔忠愍王天下名相維侯是好  
好莫或尚離司挾然實人于辟侯往平反寃者獲釋官給民監數重難酬  
侯為滅殺民瘼以瘳鄂營是合皇里躋山逆耳苦諫念民孔艱布十五萬  
一邑困瘁懇請上聞三免其二佐抗保釐政治靡墮使閩通變邦用靡虧  
脩隄展期農不失時督漕發賑責不得私運值危疑執匡社稷國倚元臣  
侯贊密書畫鐘一絃在郭沒斤存牙音矣聆石能曷伸疆暴侵陵惡必懲心  
徑達帝聰三三權勢浮亢盡耗職務節縮頹場愚忠違計身辱作牧淮海  
與利除害公論去思蒙有遺愛侯謂余今先慶所積為子為孫欲報罔極  
煌煌寵錫九泉爰斷堅珉刻詩墓前皇澤如天身拜稽首永世弗諼

式肅爾後

大元故朝列大夫僉燕南河北道肅政廉訪司事趙侯墓碑

侯諱思恭字仲敬相安陽人也淹貫儒術精通法律試郡從事以才行見  
知張左丞何平章侯宣慰劉中丞諸先達名聲日起擢掌刑部農司宣徽  
院吏牘勅授從事郎轉承事承務充照磨主事經歷三任俱不離宣徽又  
轉承務郎出為燕南河北道提刑按察司判官陞奉直大夫入為監察御  
史制授奉政大夫大司農司經歷改僉河北河南道肅政廉訪司事進朝  
列大夫徙治燕南元貞丙申十一月十五日以疾卒于大名公館年五十  
五歸葬吳村原先塋之左郡守張孔孫為之志墓泰定乙丑余自京師還  
過金陵而侯之子天綱為江南諸道行御史臺掾持侯墓志又自述述事  
狀一通詣余請曰先人以清白自將有猷有為休魄歸于土三十年矣而  
墓碑未樹深懼平生德美久遂泯沒子職之缺莫大焉先生閔人子懇切  
之情而昇之文以光其幽生死俱有榮也余察其情誠孝於親者乃按昔  
所志證今所狀而章其所可稱侯之曾大父温大父德俱潛晦父仁孝友  
勤儉明律奉金朝選調鈞州司獄侯敦志節厉廉隅脫去凶幅樂於從善

不長尺寸生業室廬僅庇風雨家無婢妾自奉菲薄屢空晏如也其為御  
史也權相方抑臺憲有奇表哀歛民財迎佛侯糾以法彼交通權門求援  
召侯至政府奮怒詰責將坐以沮壞善事之辟侯從容枚率侵擾之實以  
白氣平理直權相孰視沈思竟弗能罪也山後具州諸路餓移文請賑救  
省臺就命侯往隨便宜設方略活數萬人其為經歷也從司農長官造闕  
庭陳務農重本闕民休戚數千事以答清問其憲河南也條列孝弟忠信  
禮義廉耻之訓以諭愚頑之民俾之趨善而不麗于罰民翕然從令及治  
燕南亦如之先德後刑凡事務存大体平反冤滯審辯無辜輕重囚生死  
獄不可勝計雖中心長厚然自能懼伏百司鎮安所部歲終考績嘗為諸  
道之最讀書尤喜義理之孝陸宣公奏議真文忠公大孝衍義許文貞公  
文集玩繹未嘗去手聞人有善有能不吝薦舉而人鮮知蓋出自公心非  
以市私恩也內子焦氏澤州進士茂才之女貞靜淑慈自鑒書史待幼御  
下具成家範年八十三乃終至治辛酉歲也子男三侃年十九而殤天綱  
由國子生貢充儒吏出戶部遷行省掾由湖省遷行臺掾天經以兄之諫  
受父蔭上獲嘉縣簿再任真寧錄事浸官所女二適屯苗縣主簿王蔚適

湘西廉訪僉事傅汝礪孫男三植早逝次楷次楷女一適譙郡督一門子  
孫履振已仕者能官未仕者知李侯之餘慶也余既叙侯之美如右而又  
繫之以銘詩詩曰

若棧臬司衆刻寡慈結縉儒流允也吏師耽研理趣謹飭名檢繫許文貞  
是式是範由中暨外宦三十年一寒如初環堵蕭然食粟飲冰匪甘維繫  
儀鳳鳴鸞維祥匪孽賑饑獻獄百万生存陰德比于昌爾後昆吳村之原  
刻文在石永世勿墮仁者所宅

有元懷遠大將軍颶州万户府副万户邢侯墓碑

宣武將軍邢答刺忽台以颶州副萬戶鎮撫州世武弁而好文儒教子治  
進士業前貢士于應雷為述其考懷遠大將軍之歷官行事而以請於余  
曰先君雄毅忠壯威名綽著自為偏裨已稱勇敢摧鋒陷陣勢如破竹撫  
納降附頑獷革心宦轍驅馳東盡海島南極閩嶠卒伍憚之如嚴師氓隸  
戴之如慈父棄于時逾三十載而宰上之石未建儻蒙國之銘詩以貢泉  
壤豈惟生者得遺子責哉死者亦增幽光矣屬余赴史館之徵未能有以  
塞其請貽書至再三其請弥篤余歎曰人子之孝於其親固若若七首夫

謹按其狀侯諱聚般陽路萊州人父德由蘭陵遷長千夫以...  
治屯田在淮安戰死侯之官初授充百戶巡檢總把千戶總管等職至元  
十四年勅授忠顯校尉佩銀符未幾制授武略將軍管軍千戶十五年轉  
武德又轉宣武世總管佩金符十八年轉明威陞副萬戶二十四年制授  
處州副萬戶二十七年進階懷遠大將軍侯之勲攻東海連海有功從禿  
魯罕元帥取東海連海從丞相南征畧通秦破常州定沿海溫福興化泉  
州未附之地往福之永福縣招諭瀆軍隨日本行中書省官至耽羅山抵  
倭國界領軍船守平戶島收輯福建八郡所轄諸山洞寨手號軍萬三千  
七百人詣海洋松門等處提備平台寇以寡克衆又獲仙居縣寇千餘先  
鎮岑江繼鎮澈浦遷鎮鉛山二十八年八月疾二十七日卒年六十三明  
年歸葬萊州掖縣方北村元配劉三男長福宣武將軍管軍千戶卒無嗣  
繼室張二男長溶刺忽合州副萬戶今鎮撫州者也妾之有男者三鳴  
呼中統至元間龍驤虎視群策群力亟起風生各効其用而侯之樹立若  
是三世將家子孫方昌因所報推所施侯之為將其崇陰德而抑陰謀者  
子固宜銘銘曰

以寇千軍為國虎臣表終贊直壹是情真功存百戰伏陟三品歿三十年  
生氣凜凜有子襲爵有孫幼學二世將門繩之後昆掖郊舊墓秋霜春露  
幸昭銘邢氏之興

元故濬州達魯花赤贈中議大夫河中府知府上騎都尉追封魏  
郡伯墓碑丁卯

故濬州達魯花赤速哥察兒西夏人也歷事三朝以子賢初贈奉議大夫  
汴梁路治中驍騎尉追封南樂縣子配康里氏追封南樂縣君維郡中議  
大夫河中府知府上騎都尉進封魏郡伯南樂縣君進封魏郡君維郡伯  
世為河西著族父哈石霸都兒善騎射健智勇臨陣摧鋒所向無敵太祖  
皇帝嘉其驍勇錫名霸都兒母幾里吉氏以癸巳生郡伯體兒魁偉器識  
英邁少親行伍長益練器甲堅整馳驟勁銳應變赴急奮不顧身定宗皇  
帝選直宿衛謹飭敏給甚稱使今從憲宗皇帝征伐不避艱險不憚勞苦  
凡所俘獲悉不私有丙辰歲以功受濬州達魯花赤特軍旅繹驛徵役繁  
重中州凋弊土曠民稀而能惠辭撫綏如古循吏於是流遘四集田野而  
日闢竟內稱治中統壬戌山東作亂奉詔扞禦南兵斬將二人

捷聞賞銀百兩回賜所獻二馬在官日久與濬民相安出濬平久無恙任  
進買田築室黎陽山下治生教子二十二年乃終終之日至元甲申之歲  
正月壬戌也壽五十二葬黎陽山東里郡君儉勤理家至老不倦子哈刺  
哈孫讀儒書通文法大德庚子授承事郎江西等處行中書省左右司都  
事郡君授祿養壬寅正月甲辰終于官所壽六十九歸柩合葬郡伯卒後  
三十五年當延祐戊午子改授奉議大夫同知江州路總管府事始蒙恩  
封贈二親又十年當泰定丁卯子以中議大夫涇陽府知府致士再蒙恩  
加贈加封具書諭于臨川吳澄曰哈刺哈孫生甫四歲先父郡伯已不仕  
莫能詳其施政恤民之實所聞於先母郡君者百不一二然承天澤榮奕  
泉壤至拜倘無文追述以示方來非孝子也是以竊有請焉余素知江州  
貳侯之賢今又得知其先世累功之因信乎水木之有原本也乃不辭而  
叙次其世如石孫男三脫因泣江西行省宣使納嘉德從事郎潭州路安  
化縣達魯花赤兼勸農事其季鄉貢進士教化將父命詣余求文者也女  
一曾孫男一女二詩繫左詩曰皇元啓運群力竭奮虜虜效猛鷹隼競迅  
桓桓魏伯西土奇雋先朝善臣育此胄胤入扈禁庭恪守忠英出陪戎路

寇行陣皇選爾勞宅牧于濬之民父之千里河潤書省夫耕夜息鬼燐  
有牛濕濕牙大秋叔世皇龍御雷焯雷震將同執文首削方鎮爾公爾牙  
可布可信沐浴泰和勇退怯進乃治田廬乃釋綬印閭里相歡歲月一瞬  
英嗣閭與克萬肯訓秩秩訂謨耶之游刃游斧般報徐柳亂繁繼乘武車  
爰倅列郡身各屢遷家聞益振帝制榮視光被幽擢階職焯焯動爵崇峻  
生若沈湮沒也燧燧才猷在昔人用弗及遭遇在今天報固斬窮碑勤美  
百世不磷不磷維何子孝孫順

大元少中大夫江州路總管贈太中大夫秘書大監輕車都尉太  
原郡侯王安定公墓碑至順壬申

公諱彥弼蠡之博野人今亞中大夫潮州路總管元恭之父故懷遠大將  
軍贈定遠大將軍武備鄉上輕車都尉太原郡侯忠惠公諱興秀之子也  
王氏世力本務善國朝兵至河北忠惠率三十村之民迎其帥帥授以懾  
及蠶繭受署三十村之民獨免從大兵徇地長千夫長萬夫授懷遠大將  
軍招撫使佩金符後領人匠都達魯花赤年老退閑公襲父職善譯語尚  
氣任俠嘗欲持匕首為友報悅因自殺安止之選監尖家倉選領東平路

鐵冶俱有績時於八処開隘各置提舉宮譏察竊馬互市之人授公奉直  
大夫潼關大使處十二年發捕奸伏不一浚閔南禁溝至今人家灌溉利  
忠惠亦就養闕下至元六年卒奉喪歸葬起僊中順大夫黃州路官課都  
提舉課額最一道知安豐府事流民來歸墾畦旬充田萬餘頃為執田其  
後創立屯府公之功居多陞少中大夫南康路總管督詣縣定民產高下  
徵役視農事急緩在前民不堪命而流止者悉復業焉三歲再蝗冒暑率  
民吏驅瘞不能為灾燬石脩朱文公所造江岸石閘以禦風濤商旅泊舟  
得安改江州路總管除前官劾政暇日詣郡率及濂溪景星兩書院勉勵  
士學咨詢民瘼郡庠日就靡厭奉計不足以興脩公課之群儒出李廩之  
粟各二百斛界四士分任其實一瓦一木不以煩有司於者鋸者斲者朽  
者舉工兢作或革或因不逾月自禮殿從祀講堂門廉煥然一新郡城北  
頽大江城壞无敢完補公慨然興築其受水大至郡民皆曰公實生我倘  
如衆議吾屬魚矣蜀人范先生人性數十年寄隱公造其廬命子事之以  
帥禮饒其所著勅輯畧以傳江州任滿還蠶不復仕謂元恭曰吾欲買田  
建義塾教鄉里子爾能遂吾志乎元恭應曰不敢隋遺規地四畝構講堂

撫延鄉之名德為師有田二百四十畝歲供廩食外設大門中設燕  
居房暨一樓以度書籍每日誦讀不輟鄉里藹然以孝讓禮義之風至人  
戊申正月八日公年八十九終于里第貳月十八日合葬太原郡夫人鄭  
氏張氏之兆子男二元德忠顯校尉安慶路管軍總把元恭由承務郎翰  
林都事承一郎高郵縣尹廬州路總管府推官奉議大夫江西等處行中  
書省理問遷亞中大夫潮州路總管女五長適金紫光祿大夫平章政事  
鄂國公史弼追封鄂國夫人以適汴梁路總管陳柔追封潁川郡夫人以  
適六合縣尹董汝楫次適中慶路蒙古字教授薛良次適呂元魯曾孫男  
遵承直郎大都右衛尉院副使進承直郎南康路總管府推官遷承仕道  
中書省蒙古必闡承遷過俱未仕女孫長適盧信次適真定路趙州判官  
李其次適奉訓大夫廣州路增城縣尹董仲五次適承直郎江浙行省左  
右司都事鄧巨川次適史某曾孫男身用中書省宣使餘幼公之考暨公  
蒙恩追贈制曰懷遠大將軍王以秀可贈定遠大將軍武備鄉上輕車都  
尉追封太原郡侯謚忠惠少中大夫王彥弼可贈太中大夫秘書太監輕  
車都尉追封太原郡侯謚文安速至順壬申公之子元恭自朝

吳澄請文墓石距公卒葬之年二十五年矣澄以孝子之於公親也  
辭而為序次其行事大槩繫之以詩曰王氏之初執其篋童先識迎師全  
活里閭挺生英嗣繼世膺仕早負使蒙晚作循吏老而歸休桑梓優游期  
化鄉人世于曾鄰瘼玷瘳疾神所扶佑誥、由胤綽、遐壽綸恩焜煌加  
賜官勳朕之疾將易名亦尊有禮朝特追孝誠焉勒文堅石用顯前躅

皇元贈中順大夫禮部侍郎上騎都尉天水郡伯趙府君墓碑

朝散大夫雲南詣道肅政廉訪使趙成慶祚任山南憲副時考府君根祖  
贈中順大夫禮部侍郎上騎都尉追封天水郡伯妣夫人胡氏贈天水縣  
君今將赴雲南過家立石墓前以表上之恩以章親之榮始書臨川吳澄  
俾文詣石澄素羸疲瘠非能馳騁書畫者矣然廉訪使此奉臣之敬上也  
子之孝親也一卒而臣子之道兩得樂於為之言是以勉力承命而不辭  
趙成東川著姓家于銅山素贏於貨輕利好惠府君少共子職母嘗病劇  
拜醫籲神誠意懇切苟可已疾瘳事不為母竟獲瘳其後天兵下蜀母已  
不存奉父如渝、亦受圖又值歲飢賑粥已度晨夕越數年父壽時疫頽  
言歸骨鄉里及父喪俱伺兵退跋履險阻聞道扶柩返喪與母同兆時蜀

難孔棘宋東川帥百計支拄府君亦畧百去長尋即退開宋亡蜀附居民  
始紆府君每念遭逢出運之厄能復業者有幾天婦合志信礼佛像雖車  
費不吝惻惻懷哀閔羣庶心期恤救助厚施而不斷報有負無償者弗責  
自奉甚約縷絲粒粟戒勿暴殄勤勤於小物肫肫於大倫眾口同稱善人  
翰林侍讀李士李原道所撰先塋碑紀述備悉茲不再書府君卒大德戊  
戌九月四日年六十八其夫人卒皇慶壬子二月七日年八十二並葬鄰  
縣富國鄉之東山子男四成桂成芝成憲成慶季子也其仕始行首理問  
所知事至顯訪使十四任其階始將仕郎至朝散大夫凡七轉考妣受贈  
官亦三矣女三婿牟仲保王文德中女疾不嫁孫男七女七靖推趙之先  
德所培者深故其施于後嗣所發者茂顯訪使徧歷中外臺省公忠清謹  
粹然無瑕之寶有用之器聞者當光被既往國之良臣家之良子已且  
復遠徵老拙之文人子愛親之孝罔限極也雖然澄之文虛言尔欲顯其  
親在立身揚名恐辱其先在脩身慎行廉訪使所慎所揚固已寡過多譽  
其尚矧曷所脩弥堅所立行無怠於終則名有加於初垂二親不朽之聲



延百世未艾之祉在已不在人也已之實行可傳其比籍人之虛言而傳者豈不相去萬萬哉

有元朝列大夫撫州路總管府治中致仕李侯景碑元統癸酉

朝列大夫撫州路總管府治中致仕李侯之子輔自洪郡至撫郡之遠鄙水陸五百里觸冒盛夏暑造吾甯請曰輔之先君生戊申年七月三日延祐乙卯六月廿七日終年六十有八天曆庚午七月十一日葬磁州滄陽縣南之祖塋先夫人隴西郡太君陳氏生辛酉年十一月廿一日至順壬申四月一日終年七十有二將以其年某月日歸鄉附葬焉痛惟先君棄世已十九年而墓石未建不肖孤弗克立身揚名以顯其親懼父遂湮沒敢斷一言以發潛幽則先君雖死猶生也維侯嘗官于撫予雖不及識聞其為循良吏其子能以儒術起家以時才獲用而予識之舊矣其情懇切誠孝於親者是以不辭而為之叙次如左侯諱璋字君用曾祖定祖均世為汴梁杞縣人考實避金亂徙廣平路磁州滄陽縣生三子侯其次至元六年卒兵燹喪葬伯兄留綜家務而侯從軍以能通書計充軍府今史天下既一擢廣西宣慰司都事未幾從湖廣行省官仕海外四郡建安撫司行

省官宋薦人也扭于故習任意輕殺侯執法抗議全活數百以功陞化州路判官時權姦柄國仕者率由賄進侯以勞廣海理宜優叙以不阿媚至元十八年左遷潭州豐陵縣尉二十一年授將仕郎象州路總管府知事未任選為湖廣省掾從鎮南王在交趾自陸路深入官軍失利陷沒者半獨侯所領百衆力戰三日獲其偏校以還隨上官詣闕條陳軍中利害請以戰艦由海洋擣其巢穴因是交趾內附朝貢至今尚書省更至元鈔二十七年除常州路平準行用庫提領鈔法流通官利民便元貞元年授承事郎尹贛之異國明年有妖賊作致動重臣大兵殄捕侯躬率民義嚮導編榜諸鄉諭良民棄此若命家以別於賊而不罹玉石俱焚之禍先是邑中豪民惑於其妖各餽牛酒金帛以表崇信賊酋籍其名姓百餘家及寇平得其籍侯憮然曰此愚民無識而然昇之於火竟無冒罪重臣亦嘉之獎其勞來安集之功而薦諸朝民懷其德立祠報事後閔侯喪莫不感涕大德四年改授吉安龍泉尹化民為善有兄弟爭田財數年不決侯閉門自責累日不視事其民羞愧願改過自息其爭情遂校之廢正版籍之詭開墾係官荒田若干畝歲收三千餘斛存貯以備饑歲民免艱余縣瀕大溪

當行人往來之衝每春漲浪急渡舟常多覆溺造浮梁百餘丈利涉無虞  
在任六年既去民猶思之至大元年授承務郎撫州路推官平反冤獄十  
餘行屬邑審囚咸稱其平恕明決年未七十以疾告致仕得進階朝列進  
職治中比命下侯已先逝矣侯端謹重厚清苦澹泊仕於南中所得俸給  
悉送還家以奉二親撫育族從孤幼男女十數逮其成人而為嫁娶大德  
三年歸省祖塋買土故鄉凡一家內外未葬之親各以昭穆序葬墓黨里  
一謹愿者永遠守護囑族屬之慈順者歲時展視初娶薛氏早卒再娶陳  
氏以長子輔恩例受封從夫四品爵秩子男四輔孫龍興路儒孝正吏工  
部掾江西省教授全州路儒孝教授掾湖廣省陞掾中書省弓侍親授承  
務郎江西等處行中書省檢校官次輅三祐四輯女三彭椿王新梁詢塔  
也孫男五愿簡直某某女四適米道常適周幼者未行輔自述其父之事  
云尔輔也通而能介介而能通仕不廢孝二不廢仕儒且才已有望有聞  
靡瑕靡學志在章公之美勤二如也觀其子知其父則侯之可銘也無愧  
銘曰

父有孝子

門人譚觀以年編次  
門人劉平命工鐫梓

臨川吳文正公集

卷之六十一

支言十五

重編

墓表

有元翰林學士承旨資德大夫知制誥兼脩國史加贈宣獻佐理功臣銀青榮祿大夫少保趙國宣惠穆公墓表

公諱文用字彦材真定藁城人贈光祿大夫司徒趙國宣懿公諱昕之孫

龍虎衛上將軍左副元帥贈推忠翊運效節功臣大傅開府儀同三司一

任國趙國忠烈公諱俊之子也忠烈起自畎畝為國竭忠而死有八子其

子文炳以左丞從伯顏丞相平江南功第一贈金紫光祿大夫平章政

事贈宣忠佐運開濟功臣太尉開府儀同三司上柱國封趙國公諡忠獻

其季子文忠其官帷幄近臣贈光祿大夫司徒加贈體仁保國佐運功臣

大師開府儀同三司止柱國封趙國公諡正獻公忠獻之弟正獻之兄於

次居八子中之三生十歲而孤伯兄忠獻教諸弟如父之教子得侍其先

生軸為師故公器業夙成武將家偉然為文儒少事世祖皇帝于清都中

統元年張公文謙官撫大名辟公為左司郎中二年以兵部郎中參議部  
元帥府事至元元年除西夏中興行省郎中五年立御史臺除山東道提  
刑按察副使八年置太司農司為山東勸農使十二年擢兵部侍郎十三  
年佩金虎符出為衛輝路總管去衛時年踰六十浸不喜仕築遐觀亭日  
與鄉人飲酒賦詩若將終身十九年起為兵部尚書尋改禮部尚書又遷  
翰林集賢學士知祕書監二十二年拜江浙行省參知政事二十五年為  
御史中丞權相忌之奏公為大司農又徙公翰林學士承旨三十一年成  
宗即位加資善大夫知制誥兼宿衛國史大德元年進資德大夫致仕六月  
戊申以疾薨于里第年七十四八月甲午葬葦城西北高里先塋之左五  
年翰林閣學士復以大都路儒學教授崔所述行狀撰公神道碑其後  
蒙恩特贈銀青榮祿大夫少保封壽國公諡忠穆又加贈宣猷佐理功臣  
改封趙國公至順三年公之子南康路總管士恒貽書臨川吳澄曰先公  
平生言行碑銘可稽然若膺龍封諡各爵既異復有待於不一之書也  
澄舊嘗忝竊微祿客京華後聞公名時公已即世不及親見公之行事生  
後前碑叙公之大略以表于墓初憲宗南伐先加兵於蜀世祖以公弟

剛東侯之師趨鄂漢於江上公伯兄嚴謀謂兵法先人有奪人之心願  
假戈船先諸軍渡江公曰季弟統勁卒數百以從徑薄南岸三戰三捷公  
還報世祖駐馬臨江公曰公恒酒使申令諸將旦日畢渡會憲宗崩咸請乘  
勝進取公獨建議班師歸定國事以為他日南土可傳檄而定世祖然其  
議其後宋既平每對朝臣嘉公之先識公佐西夏行省時新承渾都海  
之亂往者憚於行至者憚於留公言人臣不當避難悉心撫治開諸未既  
平涼甘肅瓜沙數州之田子民種及農具諸部落渡河來歸者日衆人地  
割界諸王常賦外其下徵索無度公與王傳言賢聖國之懿親仁聲洽於四  
遠下人縱恣如此將無累王盛德乎僕指數其不法數十事傳驚起白王  
王召公謝曰微公不聞斯言事持此心勿怠三年之間所畫皆便民夏境  
遂安齊魯故饒穀粟公勸農山東躬自督視關其汙萊至于海濱續諸  
道公之為兵部侍郎也前侍郎平章阿合馬私人教鷹監入朝令侍郎不  
給鷹食世祖怒召至望見公乃曰重之用豈治鷹食者耶想竟不行公之  
為衛輝總管也江南初臣屬董致書京師者道衛晝夜不絕口役數  
千夫護送公曰東作方興無奪農時遣胥校足矣議引心水入都河以通

運漕公曰沁水地勢高於衛倘積雨沁水灌衛又使入河河不受環  
 入衛則衛惟其厄且無大名長蘆矣部使者與水衡度水如公所言遂止  
 衛人德公焉公之為兵部尚書也預議大改江淮行省惡臺憲繩已欲使  
 行臺受制行省公曰不可風憲之司猶虎令虛名僅存如虎雖睡人猶有  
 所憚若更受制於人貪虐之官吏蔑顧矣議遂寢賈人盧世榮主權倖  
 驟陞中書右丞謂生財有術民不加賦而歲倍入詔廷臣集議眾莫敢言  
 公時為翰林集賢李士諤之曰是錢若不取於民倍入之利將安出譬之  
 牧羊每歲僅可再獲其毛若時復一獲手可得毛雖多而羊死寒熱矣取  
 民者亦然日削月朘邦本先廢益復有財可取太祖聖武皇帝提尺筆建  
 朔方以有此民而忍於戕之乎丞相安重昌尚書議是未幾世榮誅公  
 拜江淮參政之命曰錢穀事嚴重臣不任治劇至曰江浙重地煩卿鎮之乃  
 奉詔時行省之長放徵同列畏厲公與論事無所屈一日選嚴酷吏百輩  
 將括民田民大駭公力止之浮屠人得旨於亡宋故宮造塔有司役民入  
 山伐木大雨雪多凍死公命緩其事省長揚言參政格詔旨公曰隆冬興  
 役民不能堪將失浙人心非詔旨也長有愧色事亦紓日本之役倍辦兩

憲謀中公者數矣賴聖主知公之深眷公之重故其謀不得逞古所以忠  
信自結主知者非耶仕宦餘五十年及薨其家惟有祭器書冊紙墨蓋得  
公文實云

故存畊居士許公墓表

承事郎同知太和州事曾翰狀其同郡許君希顏之行曰君少而穎異長  
則重義輕財慷慨有氣節季友稱於族息信著於鄉恤孤周急救貧賑飢  
辨難解紛不自以為德喜讀史觀古義士輒敢奮發企慕若檢校誤人家  
國忠烈不克令終必齧齒撫案嘆嗟嗟儆戒其子云汝曹何脩何飾而飽  
食履衣苟能謙恭畏慎力事務不師法賢哲歟長保此每見名門鉅姓被  
不肖子瀆覆其家深可寒心汝曹戒哉人以存畊居士號之蓋目之實也  
其子欲章父之美囑所親黎世英持狀來枚予文將勒諸石黎又不從士  
卽茶陵州判官許晉孫先導予閱其狀有可書者遂諾不辭披狀君吉之  
萬安人仕淵名希顏字也系出長沙彬泓數代後樂萬安之下造而家焉  
自曾大父生業以饒大父暨父拓闢弥廣凡第三人君其季也居旣龍泉  
南康贛縣之衝至元末鄰境猶弗靖君輯護鎮遏寇不能犯里君以學嘗

寓廣陵旅邸館主囊括詣客之資一夕逃去衆束手固措君揣問于官逃者密令人償君一倍異以弥訟君不可執其人悉得同舍所失乃已衆感其義在家兄弟聚聚怡如也僕役給使肅如也賓朋交際歡如也別墅山水明秀花卉巖巖圖書左右詣事無前夜自程集觴咏笑歌有晉人流風卒延祐己未冬季六日年五十一娶蕭穎之望族宗戚咸謂賢淑成君之善內助與有力後六年而卒泰定甲子夏季既望也子慶炎夢諡治前後喪合葬黃竹山之原孫男四璋璋珪瑜孫女二二子幼書謹身切於追遠孝也

臨川吳澄曰許賢孫延祐乙卯進士也曾翰泰定甲子進士也二進士察特予所嘉於希顏皆非一識也而為之狀為之言則希顏之為人可知也是以表其墓

元贈承務郎山東東西道宣慰司經歷蔡君墓表

撫州路總管府推官蔡族裔之父諱青天曆二年奉敕追贈承務郎山東東西道宣慰司經歷母劉氏追封恭人越四年子至撫城推官諡子曰裔起身田野際遇明時甄錄微勞齒郡牧伯共治天子之民惴懼弗勝任

皇澤如春普徧群品榮被二親將何以報稱一言之文諸墓石以輦天寵之優昭示子孫永世庶幾人臣敬上之義人子愛親之誠兩不惑乎澄謹按蔡氏先世歸德府睢州人經歷君之考諱旺其妣王氏遷東平之汶上復遷濟寧之鉅野經歷六男三女男一澤二瑾三琰推官居四五順六潤女一適姚二適姜三適高經歷丁亥歲五月十八日生七十三而歿大德己亥七月十一日也劉恭人甲午歲正月十三日生七十六而歿至大己酉十二月四日也並葬鉅野縣之東村推官以其父受贈之前一年仕于撫今五年矣其在郡也長貳同列屢更皆喜與之為僚下屬邑審訊獄訟者數哀矜詳慎之意終始如一凡所斷決兩造靡不心悅誠服過滿未代上下咸欲其留唯恐其去一身之循良一家之積累也父母身後之受國恩宜哉推官娶立亦封恭人三子升暨晉經歷之孫也習進士業後嚙出衆蔡氏之慶其方源源而來也欵

故武義將軍臨江萬文府上千戶劉達魯花赤墓表

故武義將軍也先不花族出乃蠻氏隸山東河北蒙古軍初以阿木丞相帳然管軍百戶從攻襄樊伯顏丞相渡江之後從行省參政破潭州有

功至元十三年授忠顯校尉管軍總把掌潭州新附軍隨湖南行省破靜  
江又有功靜江既得隨史萬戶徇廣西未附州郡直抵各郡城下柳賓慶  
遠邕州皆降諸郡既附惟遠鄉僻地阻險自保乃隨潭省參政收捕衡永  
等處自領軍兼領諸奕軍平殄常寧縣清水洞及火田村火元村麓石村  
李公洞俱底帖息十四年宣授武略將軍管軍千戶佩金符掌新附軍如  
故十九年鎮守吉郡吉之永新彭原山太和下平寨及永新煙市及滕鄉  
瓦岡及廬陵站溪及永新黎頭山相繼不靜三四年間一一勦戮其為寇  
者縱釋其為民者二十五年宣授武義將軍上千戶所達魯花赤屬臨江  
萬戶府二十七年摘撥鎮守南安病作不行養病于袁大德五年八月十  
六日卒年六十六男買奴閉習騎射讀書知義理又通蒙古言語自少給  
使干內至大三年宣授奉訓大夫太府院判官延祐二年臺除奉直大夫  
西臺御史五年改除奉議大夫南臺御史侍親不出越十年除僉江西湖  
東道肅政廉訪司事至順二年四月借中使下諸郡審理罪囚八月三日  
以疾終于建昌年六十二長孫伯顏泰定元年受宣命襲祖職次孫  
未仕澄舊識御史於金陵近過臨川時謂其父沒三十二年而墓未立

石方徵余文以表于墓去下半年而武義之次孫以御史之新喪至矣哀  
哉武義君彊毅勇敢臨陣每多殺戮累功不一而未及取高爵寧無將軍  
不侯之憾乎其子襲然武將家之文雷風憲有聲望亦復不壽憐才者為  
之於邑焉

廬陵易中甫墓表

貢舉未行時士之欲隨世就功名者張張驟矣不得不折而歸於在官之  
府史廬陵多材士若易中甫卓犖尤者也少登劉大博先生之明董道  
膏馥紳畢弄翰往往度越輩流既而以才選從事占豫章郡遷調臨川又  
遷調宜春考滿例陞縣府史之長得童貢雲都至縣未及上以疾卒中甫  
名立中廬陵太和人生宋咸淳辛未十一月卒以至治癸亥七月十一日  
其年十月二十七日葬太和千秋鄉之梓檀嶺其子原徵志銘泰定乙丑  
冬余自京師還而中甫掩壙已久乃為叙其歲月以表于墓中甫精敏練  
達所歷俱有政聲在洪貸官米賑饑辨誣盜馬首在撫出死獄司倉平槩  
量在袁戰流民之憂抑豪奪葬地之橫似此不一十歲而孤養母盡歡母  
壽終八十間居左右圖史玩閱無倦下逮術數末技亦皆究心娶子男



女孫男 嗚呼中甫有時才曾不獲齒於下士展布一二是以憐才  
哀命之君子不能不歎息於斯焉

樂安陳文秀故妻賴氏阡表

賴氏秀慧居歐鄉世父擢科尉宜黃生宋景定壬戌春二十來歸東川陳  
夫名文秀庭芝字四男一女余其賢大德丙午正月終葬長畬原丁未冬  
堂對二十有三年夫索吾文表荒阡子肖婦宜孫螿螿孫男十三孫女十

墓表

故安慶府同知徐府君墓表

兩序

安慶府君徐氏諱必茂字幼學臨江清江縣人父兵部侍郎諱卿孫宋末  
名臣炎祚訖錄無復有人間意遁身野寺越五載厭世其得安全考終脫  
然靡所繫累者以府君為之子能負荷家政不以毫髮事櫻親懷也既畢  
父喪一再受命尉潭之長沙簿汙之上杭最後同知安慶俱以養母不就  
職母黃氏令人惟一女最鍾愛納文陞為壻仕至集賢直學士府君視妹  
夫不異同出聚處一門終始無纖隙順悅母心備殫其極厚於所厚推之  
及人無一不厚待兄子猶子群從宗族雖疏猶親母之黨二姓妻之當三  
姓恤亡周存敬尊矜賤惟均侍郎所師暨知舊僚屬已所師暨姻戚鄉里  
凡其後嗣伶僇弗克自業頓踣弗克自樹者一一振德之雖技術襟流踵  
門亦歡愜而去接人謙和恭謹未嘗疾言遽色如春陽之溫煦如甘澍之

膏潤如萬頃陂池汪洋莫測其涯涘較於倫紀篤於恩義有太過無不及  
凶歲賑施惻然猶已飢之思六行之實罔或缺一自脩於家不求知於  
時翰林承旨王公構儒學提舉鄭君陶孫素不輕許與皆舉府君堪館閣  
之選初娶提幹鄒君之女再娶錄判聶君之女三娶同知全州總管府湯  
侯之女也二子鎰鏞居常啖菽多剛劑至大庚戌忽屏藥弗服四月微病  
丙辰遷坐母令人前以辭未訣而逝年五十三其年十一月甲申葬留墓  
原舊有志銘矣泰定乙丑十二月丙申改葬族湖龍會山鎰復徵文表新  
墓惟府君之細行衆美悉數之未可既故爲述其大節以傳不朽焉

元贈奉議大夫驍騎尉河東縣子段君墓表

君諱思温字叔恭其先居絳之稷山自宋司理參專應規始金贈中奉大  
夫武威郡侯鉅生鈞君之高祖也季弟基正隆二年進士仕至中奉大夫  
雋州防禦使兄弟俱以學行顯人稱爲河東二段曾祖汝舟祖恒生克已  
君之考也有詩文號遯菴集仲勇成已至大七年進士主河南宣城簿詩  
文號菊軒集與兄齊名之又稱爲河東二段君遊菴翁之第三子年十二  
而孤已如成人從仲父菊軒翁學遂成儒年二十一受室河中曾氏因

家焉於經尤邃易春秋詩文温厚純正授業鄉里多所造就節縮衣食買  
書萬餘卷以遺子孫安西王聘爲記室參軍辭疾不起年二十九丁母憂  
致衣盡禮越四年仲又卒喪之如又年四十九而終至元戊子歲三月也  
次月葬猷山旌汾鄉平瀧原之先塋子輔由應奉翰林歷西臺南臺中臺  
三御史僉燕南河北道肅政廉訪司事入爲國子司業太常禮儀院判官  
君以子貴贈奉議大夫驍騎尉追封河東縣子配曾氏追封河東縣君君  
之粹學篤行奉訓大夫同贊善恕追撰志銘述之已詳將改題墓額于  
石以彰天賦之榮而余爲之文以表其墓云

元贈承事郎封丘縣尹朱君墓表

承事郎撫州路經歷朱端以書來言曰端世居下之鄆陵年十六試更踰  
三十爲郡從事不幸二親歿又十年上住西憲府考滿授將仕佐郎太平  
路照磨延祐戊午簿建康之江寧既而掾江浙行省泰定甲子陞正七品  
掌案膺手撫越三年丙寅蒙恩封贈父母吾父諱改字國用金末辛巳歲  
生樸厚淳樸重然諾常以愛人澤物爲心夙姻族里開恂恂如也少失怙  
恃事祖母甚謹年十二奉祖母辭兵匿土空中出取食以爲哺哺所獲師

俾為伍長率衆北渡中道宵遯數日得達祖母所未幾再被俘與家杳不相聞留大名三十年餘塔子閣思親懇切日夕哀慕乃攜妻子歸至鄧陵時祖母已即世號慟幾絕惟兄尚存友愛弼篤養之終身吾母閻氏剛果善持家恣意教子吾父年七十三而卒與母合葬亦之先塋父卒後三十四年贈承事郎汴梁路封丘縣尹母贈宜人端追念先人潛德弗耀不肖孤薄才幸微祿聖恩天廣光賁泉壤尚不刻辭示後非所以揚親之美而彰君之貺也端為簡書之故弗敢離次謹命子復禮見而有請焉先生賜一言文諸石則為臣為子者之心庶其有忤乎余初識經歷君於金陵固已嘉其人及今撫州之政公正寬平蓋循良吏也且聞昔仕憲府時平反重囚多所全活其陰德在人獲報於天宜未艾也不有賢又何以有是賢子哉表其世美以為積善而昌其子孫者之勸余之志也是以樂為之道而俾殞于其墓云封丘府君一男端也三女俱適士族孫男三長明信早夭次明實幼復禮孫女一

廬陵蕭明叔墓表

廬陵蕭復清儒家子能詩寄迹道家者流一再及門書曰蕭氏吉龍泉之

著生二 先世居夏湖為尤盛吾父明叔行實交聲慶云 儔輩屢試進出不得音 既廢魏冠侈袂終其身講授遺經淑後進接 人和粹諷抑酒酣氣張豪邁如少壯不治生產屢空晏如二教之書亦所 樂究屬縉前一日猶對客談黃庭厥明無疾而逝生宋淳祐癸卯冬仲仲六終於大元大德甲辰春季上七葬西溪之小州吾母朱氏外祖前貢士伯兄慶孫紹家李詩有集仲兄吉孫早卒復清季也吾兄不偶於時而復清有方之外誠懼先德泯泯無聞公能錫一言永吾親以不朽乎嗚呼士之德處而名湮沒者古令凡幾太史公固深悲之子之孝於而父也至矣哉余言之傳不傳未可知也而忍違孝子之志乎為書此以表于墓癸發明叔名也

劉季說墓表

與余同生淳祐己酉歲者位之顯有程鉅夫居之近有劉季說鉅夫生之月後於余四朔一則正月中旬之九一則四月中旬之七季說生之日後於鉅夫之六辰一則其日中之午一則其夜夜半之子季說撫梁安人世居忠義鄉之官城六父煥依外氏徙雲蓋鄉之南村而卒父天驥自昌城往後焉是生季說名曰夢生警敏惇恪三歲而孤母督勗俾進於學雖

童稚器識如老成十許歲偶至市觀乘有長者曰若亦好此乎聞言羞却疾步而歸爾後雖休暇不出書室能舉子業每不自足究玩理趣務蹈其實群聚狎謔已獨莊重不苟言笑然外寬內怡亦不忤俗侍母奉養無違持喪情文兼備葬之日會送者數千道強寇入竟望見銘旌聞鑼鼓聲以為官軍驚避而去但邑有狂卒起虐善良世業為損先廬文燬兵盜交擾遂避地他邑繼罹橫政苛斂之禍流離困迫恬然略不芥蒂事勢僅定乃築室自城舊基生理漸完汲汲收書無印本者筆工抄寫諸子百家外天文地理醫卜種樹老佛之說靡不歷覽選先秦以來古文凡意義同者類相附從中寓教戒足以垂世冠昏喪祭動必遵禮有疑則問辯考正而後行喜談人善或有不善面責其非語當心公人自愧服親故不給隨力以濟歲饑竭廩贍賑為富戶倡自底空匱終不怨悔常時命醫治藥貧病之人來言疾狀即與不取其直邑之長貳聞名願見見必加敬凶狡下人心亮其誠不忍侵侮堂曩公委要實其子產不受私囑隱扇悉優命攝教官諸生日益勤勵所居前受至右種梅植花卉四時皆可娛目娶何繼賴男某某女適某某孫男四孫女六皇慶壬子八月丁亥以疾終延裙申舉

揭志道墓表

二月甲申祔葬折原商坑祖塋之左泰穴丙寅余選自禁林季說之子來請曰先子信厚本於天整肅成於學葬十有三年矣而墓碣未立懼無以傳久遠先生其賜一言余惟季說以夷之清而不害其同似惠之和而不失其介疇昔相與論學有樂無倦豈謂後余以生而先余以沒乎因其子之請而動余悲惻惻感激不能已也聊為述其大槩以表于墓

豐城揭車之大夫道孫字志道英偉豪邁須髯奮張少業進士一筆千餘言世輩伎無所施則尚羊山水幽處痛飲狂歌繼以太息後乃還治農圃教授鄉里車二吉祖父以貧舍肉將歸遺親親沒事凡如父事姊如母姊寡有子十歲諒停極力徧求弗獲養姊于家終其身作堂名廣思歲時於中序族年逾四十而鰥不再娶晚嗜書酒肉俱斷風月良夜鼓琴一二操琴動鬼神年六十八將終意氣閒定家人環立搖手止之曰勿亂凝然而逝噫此士之不遇者也若酒若佛蓋託焉以消遣世慮而不知者譏其使酒佞佛云車能助學懼其祖之煙沒無聞可謂慈孫也已

故言人甲房君墓表元豐戊辰

君諱義字順之前翰林待制承德郎僉江北淮西道肅政廉訪司事致遠  
之父也符制為監察御史時風采振揚余在歲客江淮間聞其名於籍籍後  
二十餘年始識待制之子嗣於京師既而嗣從事江西余亦歸自禁林泰  
定丁卯嗣以文一帙來曰此嗣父之行實也葬已三十九年矣而墓石  
未建敢斬一言表于墓以示子孫余閱其文知君之為善人也有是父固  
宜有是史君為之子中署氏世居于汴宋靖康之亂避禍難者圖南守墳  
墓者留比君留北者之後也考諱信仁金為考城令君幼好書務實踐從  
趙禮部秉文游效其字法金季遷杞河南被兵重以饑饉人相食且盡君  
幸而存亦遭俘掠將同群衆就戮以次及君君無懼色軍中梁君信奇其  
狀貌呼之與語留賓左右獨免受刃梁以君歸權愛其兄弟未幾人誣告  
梁陷以重辟君為畫計辨析事竟得解隨梁遷鄆占館習書良致之生才  
氣殊特梁妻以女借弟效貞諫業東平郡庠課試中選官復其家始與梁  
異居梁汝州州長也君隱於賈衡量必公心不取贏餘粟以備歉則平  
粟廣貸饑者饋之食貧不能償所負焚券勿責田宅相隣偶有侵斥輒遜  
其畔素貯秘方療滯下疾指其製藥法救活甚夥宋平家畜奴虜餘二

百指或以直購弗許悉縱為民思復故鄉者給以行囊嘗有人遺一裳在  
道上又有一人遺一斗在門內吳知誰何多方訪覓還昇其主動儉治生  
中年交方外友恬澹寡欲致遠而元時問何事可立身君督勗以學內師金  
進士解器之外師鄆牧嚴侯所聘乃梁希然遂成大器後任御史詳於君曰  
御史言職也媿嬰則瘵官忠直則累親願大人勿掛懷托君曰汝其勉哉  
吾不憂也及聞折姦明誣聲譽遠達則喜曰吾有子矣至元戊子冬致遠  
來侍明年巳丑四月二日君卒其生當金承安庚午之十月享年八十先  
墓在汴北於河流別葬壽良節順鄉之閭村配張氏後四年壬辰二月十  
三日卒其生當金明昌甲子之八月享年八十九附葬于君之兆子男二  
致遠仕至庶訪僉事效貞安豐縣丞女二適許通宋孫男八伯駢驥駒駒  
駟驎駟駟其一湖南道廉訪司知事其二真州學錄其四江西省掾餘未  
仕女五適李適馮適傅適劉季未行而亡李者翰林侍講學士之紹也曾  
孫男五鑄鑑某鈞鉉女七適吳適母適成餘在室噫此皆善人之子之孫  
之曾玄也夫觀木者必尋其本觀水者必溯其原申屠君生值亂離其  
其幼而若子若孫若子之孫孫之子顯聞于世蕃毓于家豈非前人一念

之善爲之本原也哉余既與君之孫厚又嘗與君之孫壻李之紹共談故不讓而表君之墓俾君之子子孫孫世增其善以光于前以聞于後善愈積則慶愈豐慶愈豐則傳愈永苟至於是申屠氏積善之報又奚啻如今所觀而已

元贈承務郎龍興路南昌縣尹熊君墓表

府君諱日廣字春甫王考聰宋貢士考公益不仕世居豫章郡南昌縣之廬觀國朝既得江南乃徙郡城之西徧敦信義樂賓朋訓子尤篤持身謹而謙存心厚而寬善譽著鄉里孝行稱於宗族非其豐裕隨力應告貸之人或不能悉償者勿問歲遇早澇恣發儲粟周匱急黠吏嘗加以重役他人多致敗家而處之泰然比及沒滿不能有所損晚年道遙間適清趣和氣融液浹洽大德己亥八月甲寅無疾而逝年六十二是歲十二月庚申歸葬廬觀之原配何氏後九年辛子仲賢仲貴仲榮仲華仲貴承務郎吉安路萬安縣尹兼勸農事以廉能名蒙恩封贈父母而府君受南昌之命何氏追封恭人往歲予被旨召赴禁林時仲貴從事江西行省識予於公此今將勒石墓道以彰天渥之榮永予文文之子素知熊爲豫章大姓又

府君爲一邑善人而萬安之政績能不忝於親其美皆可書也是以不

故贈承事郎樂陵縣尹張君墓表

河間張策起自畎畝承父母命暨其弟篤學于國子學數年後俱得仕官陞七品奉定二年秋父之賢贈承事郎樂陵縣尹母李氏贈恭人策每對予涕泣謂兄弟以宦學故弗獲朝夕定省親病弗及侍聞而至家親已歿矣追痛如割雖生奚爲比予南還而策求文表親之墓誠孝誠哀其志可閔乃爲述其父之行而俾壽諸石策之論予者曰策先代濟南利津人也大父避地因家樂陵吾父字世英躬耕養親時或樵采鬻諸市以供甘旨農隙從師授書通其大義大父嘗疾思生醜居在平陸莫能致也夜冒寒走二百里得之以歸縣署爲吏非所欲持心平恕遇事剖決悉當廉慎自將不激不隨以事留府忽心博亟馳而旋則大父病已三日極力醫治弗救居喪毀瘠葬日大雨呼天長號雨逆止雲開漏日既掩壙雨復作人咸異焉有爲盜者諭之曰尔取非己之物蓋圖自利事敗陷刑適以自害曷不思乎盜愧悟改過嘗夜經澤中迷所之大呼求救有應者曰前有深淵

陷者必死慎勿往可隨吾行以杖測而前導行三里許乃出于險問其人  
為誰則曰吾向被誣賴君辨明而脫于獄幸漁於此識君之聲特以報德  
終不言姓名而去丞相塔思不花總鷹房事吾父提舉山東諸路職是者  
多並緣侵擾民罹冤苦無從告許吾父獨不尔所過莫不感悅競持酒食  
以饋一無所受未幾移疾退間以約濟勤家漸饒裕連年旱澇千里饑饉  
隨所有賑施全活甚眾疫癘死者相枕藉日辦粥藥給宗黨死則瘞之延  
祐七年四月二十二日以疾終年五十八吾母親紡織操井曰儉素以相  
吾父同月先二十一日卒年五十四是年五月十八日合葬樂陵東比張  
岡莊之原生男四人策中中書左曹掾授詹事院管勾進階從事郎遷中  
書檢校蓋由中書右曹以授太常禮儀院都事其三早逝節甫冠女四人  
孫男三女亦四策又嘗言其父沈熟恠靡喜愠不形人有不善不翅已有  
人有小失盡忠以規之養甚豐且日奉則非予觀策兄弟殖學致祿趨操不  
凡意其必有本始及聞其父之哭天益信其然嗚呼天人相與應接影響承  
事君生而淑善沒而榮昌予樂道之固將以為來者勸非特慰孝子之心  
而已

國子生葉恒之母褚氏墓表

國子生葉恒之母既葬矣予在京師數求文表其墓又歸田又以書來請  
至再噫恒母賢母也今人知孟母之賢以有孟子為之子孟子所以為孟  
子者無他擴充其仁義禮知之心而已是心也孟子有之恒亦有之充不  
充在乎為不為恒如舍去俗學而學孟子是使其母為孟母也孝莫大焉  
不求諸己之實而求人之文以顯其親外也恒曰吾母諱字真姓褚氏世  
家越之餘姚生宋咸淳乙丑二月十九日年廿二來歸奉舅姑孝事夫  
治紡績蠶織勤於內外族姻睦男恒恂女適陳身主壽朋孫男震大元至  
治辛酉十二月十三日歿明年葬鄞縣翔鳳鄉青山之原恒又名遜家于  
鄞

臨川吳文正公章廬先生文集

卷之六十九

支言十五

重編

墓表三

大元昭勇將軍河南諸翼征行萬戶贈宣忠秉義功臣資善大夫湖廣等處行中書省左丞上護軍齊國張武定公墓表

公燕人世居東安祖考仁義管軍元帥贈推忠守義功臣中奉大夫河南江北等處行中書省參知政事護軍追封齊郡公諡武毅祖妣李氏追封齊郡夫人考禧鎮國上將軍日本行中書省參知政事贈推誠著節功臣榮祿大夫湖廣等處行中書省平章政事柱國追封齊國公諡忠烈妣國氏追封齊國夫人公諱弘綱字憲臣膂力伎藝冠絕部伍自小從軍先登陷陣平地超躍上馬足不履蹠射虎輒殪視若狐兔攻城被二甲野戰則被一甲從元帥阿木往來襄漢兩茫間十餘年每與宋騎兵遇左臂擐草圓牌周旋護衛矢不及身惟元帥及公二人能用此它人不能也湖州寇



數萬行省命公率數千兵往捕公距賊集十里而營或曰賊近知我虛實  
倘率衆圍我坐視危困不若急攻乘其未備公曰吾有萬全計爾姑俟誘  
致山中老人數輩諭之曰汝等各有妻子產業棄安樂趨死亡何耶汝能  
徧告若濤及今改圖猶可生也如其不然金鼓一震悔之無及老人皆叩  
頭曰實非好亂為賊所逼今日生死惟在將軍公命數吏不持弓矢從老  
人至賊所約以三日內釋兵還家者為良民衆悉如約無或後期給安悞  
檄文揭之于門令諸軍毋得驚擾復業之家乃分道入山餘寇僅贏百數  
一一就擒諸軍賀曰今日見公萬全之計矣公曰賊衆我寡林密山深弓  
馬下使若不示以生路數萬之衆致死向我我何以當先散其黨則擒之  
易爾行省又命捕建德盜端亦平定公初鎮暨陽移鎮京口又移鎮通州  
禁止擄掠出巡鄉村自齎糧食民訴軍卒攘雞豚奪衣服聽其隨行則至  
阻水有橋處立馬集衆搜檢各卒行囊俾詞者識證攜去量物輕重受笞  
謂再犯必加重刑竟無復有敢犯者由是鄉民安居深居公德其後公去  
不復莫不興哀流涕公孝於事親少時已能脫父母於難嘗逢參政公好  
遊之流血累無疾忽人問之隱其事曰偶爾觸物而傷奔參政公喪年已  
六十晝夜兼行多下馬步走通州抵都城之南一里不半月而達切至極  
慟哀幾至墮厥教子甚嚴然未嘗厉声色家法整肅內外截截女子無大  
故不出中門支兄弟睦戚見貧乏者必周其急接人恭謹饌客豐盛而  
自險約雖受妾無麗服晚年好讀書暇日嘗就館賓講論歷官管軍總把  
陞總管招討副使陞正使終河南諸翼征行萬戶府萬戶初以忠顯校尉  
佩銀符繼以昭信校尉佩金符進廣威將軍定遠大將軍以至昭勇將軍  
佩三珠虎符公之卒有行狀有墓誌有神道碑歿後二十四年贈宣忠秉  
義功臣資善大夫湖廣等處行中書省左丞上護軍追封齊郡公謚武定  
元配左氏追封齊郡夫人繼室楊氏封郡大夫人公之子廉訪副使漢將  
立石以紀息命之隆徵文於予惟公孝義忠勇出自天性平宋立戰功征  
蠻著死節其勳名赫二在人耳目狀誌碑已具載茲不再錄據公遺事一  
二以表于墓云

故徐令人黃氏墓表

清江徐鑑曰鑑生三月而喪所恃惟祖母焉依否則無以至今日祖母繫  
出崇孝鄉上湖里之黃家世儒族福州助教諱甲之孫彬州司法諱汝礪

之子也宋景定壬戌歸于我祖父左史兵部侍郎蒙恩累封令人歸之歲  
侍郎已登進士科隨宦湖南連治剝縣號稱良吏陞陞朝班歷諫臺侍從  
號名卿蓋齊家得內助力心慮靡所分國爾公以是聲聞副其實運其革  
兵禁先君奉令人間道還家未幾侍郎亦歸隱越五年至元庚辰始捐館  
令人獨主家政垂四十年延祐丁巳冬乃終年八十一衆口稱羨謂一身  
五福備矣自奉簡質每服浣濯縫補之衣雖高年猶然鞠訓諸孫諸外孫  
慈愛均壹禮遇宗戚各稱其情有腆無替舍食宿客周或憊厭泣家嚴肅  
而待下有恩威感悅畏懼遠近族姻竊視所行取其家範日坐堂上正書  
織悉夜分乃寐率以為常外事曲當有丈夫弗能逮者卒後二歲葬富州  
泰定丁卯十一月朏改葬檀溪之西園附于侍郎之兆墓相距尋有哥其  
初交鎰之姑夫李嘗有述以納諸墳今再窆矣敢祈先生一語光泉壤噫  
予昔獲與令人之子同知暨其婿孝士者游審其內治信如今所云鍾愛  
季女館壻于室其子之事母甚孝子孝壻愛舉不及終養然前有孝子後  
有慈孫其存其歿俱有福也以鎰所言合予所知而表於其墓焉子震早  
亡次成同知安慶州事壻章李泉隱棲文隱集賢直奉訓大夫孫則誠

清湘縣尉鎰征東行省理問所知事鏞改名九成珍州儒孝正其五表

元贈承事郎同知深州事崔君墓表

往年予客金陵真定崔原道建南臺行人職剛腸疾惡勇於赴義以予泥  
古不徇今言行或相契暇隙數二過從子壽亦來問孝南臺仕九十月朝  
命受廣西憲憲壽子艱改授廣東憲囑任滿選充星子縣尹縣隸南昌路與  
予所居同為江西道俾嘉造予求文文其考承事君之墓石承事君諱  
字彥卿其先臨川人臨降濶三郡俱有墓墳高祖某在金擢魏科曾祖某  
宣武將軍苞親王鎮河南柘城縣因而家焉祖某為儒不仕父某母孟氏  
壽近一百歲國朝既得河南地徙遺民實此遂君奉父母自柘城徙真定  
之元氏縣倉卒就道程期逼迫上世誥勅譜牒悉委棄中途而去乘更革  
之會取爵位者不一君獨闢菜圃蔬耕種自樂寬厚謙讓儀度有古長者  
風聞人善亟稱不絕口聞人惡戚然懼其陷罪吾里人鬪鬩輒不即官府  
而詣君判曲直公誠能服人心故也鄭二有容忌或肆凌侮待以一笑彼  
自愧慙而止延祐庚申七月之望疾終丁家年八十四子貴贈承事郎同  
知深州事配馮氏勤儉克相養姑至孝先卒年五十贈宜人子男

原字君章次其字君美季天瑞字君祥女二適曹適張孫男五德  
愚女二曾孫男三女一君章混混流俗中毅然特異今觀其家之所積若  
是有良考固宜有名嗣壽之季又進進立身揚顯未可涯也為書所聞以  
表于墓前

石城胡際叔妻徐氏墓表

顯士胡廉言曰廉家在石城至元末廣之劇寇駐頓境當路不取珍平受  
其辱而許其留俘掠殺戮自若群不逞相挺而起環二三百里罹其凶害  
遑遑奔竄先父字際叔已丑春避寇病卒于途先母徐氏備嘗所以葬廉  
甫九歲弟紹甫六歲二女兄勿德已適賴幼端未行寇勢益張其冬往依  
舅氏僉謂亂世設禮多婚庚寅春以次女兄適廖舅家難久居轉依長女  
兄冠息始復故里蒲日高乘死者過半田無人耕一二鄰舊雖為編茅蓋  
頭然槁無生意莫可安栖依近族依法族依內親依外親或半月或一月  
或二三月弊有定止如是又數年乃不茅戶之中習耕寒閒荒涼人所不  
望廉捆獲賣卜弟造築室母隆冬練裳晝夜不下機不停梭共營二子一  
母之衣食不死於凍餓幸爾廉年二十出訓家童歲得所奉助養自是既

寒頗紆越五六年母不待終養大德乙巳十一月十九日棄其孤而從先  
父於地下哀哉吾母慧性警敏豫見幾微避寇之初遇一舊識荷弋而趨  
語先父曰左右前後皆寇指示某澤可以藏匿既至先母疑焉從而之它  
其夜寇果即彼所又嘗一疾偕行搬挈行李先母督促甚急眾莫曉解行  
速向前者薄暮達邑有二盜商行緩殿後被寇追及殞命相去僅二里許  
亂離之後不知三世墳墓所在母足穿草履攜廉徧處尋訪深入荆棘叢  
中衣衾面傷不憚弥度經三四年遂獲識認曾祖考妣祖考妣及叔之墳  
凡五祖考殞淺土棺壞母慟哭幾絕易棺而空適廖之女兄未半年間寇  
虜其夫不歸夫兄抑使改嫁私受人聘女兄誓死不從聘者高其義不願  
彊婚而罷蔬食筋筭不釋喪服一十七年終于夫家廉伶仃孤苦日事新  
水稍暇母令求書以讀儻值良友遣廉親炙廉粗識數字能書姓名以此  
之故吾母諱貴貞生宋淳祐癸卯備歷艱危無愠無怨男不廢所季女不  
二所夫皆母之教母卒時廉未娶今有妻有子矣思為卧冰負米而不可  
得延祐己未克啓窆於母于栢里之賴田哀哀劬勞欲報罔極敢以為先  
生告予觀胡母之貧而處患難胡安之少而守志節胡廉年垂五十而哀

慕不忘亦可謂賢母貞女孝子已一家三善行尤難也既嘉歎之因數  
因為叙次所言俾以表于其母之墓

故月訪翁熊君墓表

古豫章郡之豐城縣令稱龍興路之富州州之著姓熊最盛姓則同而族  
各異橫岡之熊有號月外翁者宋淳祐庚戌九月廿五日卒距至順庚午  
二十一年矣其孫為從事撫郡因公過予始求其大父墓石之文嗚呼晚  
矣明年夏翁之壻雷芑將其妻兀雷震之命而來請益力雷震自述其父  
之行曰吾父軀幹豐肥坐立凝重溫和莊肅罔或傲惰同里尚書雷公宜  
中妻以弟之女孝親順長治家斬斬父命為伯父顛後同父之兄先歿撫  
育其孤遺若已子保護其生殖若已業內宗外戚待之曲當晨夕詣先祠  
定省如親之存出入必一至四時薦享禮甚謹里惡少肆暴潛俾鎮服雖  
供給公上迎徠師旅未嘗秉時倚勢以作威豪猾漁獵於人必折以理無  
所避揚排難解紛不憚勞谷費酬酢敏練家惠者息之賢士大夫時造吾  
門州尹陳侯元顛嘗留題云窈窕  
齒髮不少其飲雖多不亂勢不期以上壽且謂下壽而終乎歿於汜湖

之撞山子辭其請不能得乃為叙其賢焉翁之配雷氏至元甲子年卒子  
男七今存者曰雷震曰霖曰霖其二其四其五皆已逝其三出後異姓女  
一雷芑壻也孫男女十七曾孫男又七鵬升公之名幼程翁之字月舫者  
其自號也

故奉義大夫安定州達魯花土小赤忽赤墓表

皇元奉議大夫安定州之元侯亮忽赤皇德癸丑六月卒明年申寅三月葬  
滑州白馬縣石佛村之先塋十有九年矣侯之子哈喇那海任江西省員  
外郎乃囑前掾史楊逸來索文以表其父之墓澄卧病山間久聞負外在  
省之贊畫今閱其父元侯之行蹟又知世美之有自也侯蒙古人寓居滑  
之白馬縣考馬哥以軍功長十六當從軍而身有傷已出舍二十里侯年  
甫十六追及代行在軍能力戰渡江南伐累獲功賞其本國言語暨別國言  
語俱精儒書史文亦闡其奧克江西南通事樞密行院立從行院通事行  
院廢仍行省通事如初至元壬辰授從事郎與國路通山縣達魯花赤政  
聲上徹湖廣行省平章答剌三達克本省通事平章達江新省丞相侯備  
入觀薦為江浙行省副都鎮撫宗幾丞相進位中書立丞相克爾

事大德乙巳授承務郎言州路總官有判官官滿改判熱州  
議大夫安定州達魯花赤未赴以終于德年六十有九時長子在朝奉  
喪來至借次子知兀那海護柩歸葬侯心地坦助德量板弘救物謙抑待  
士心厚安該祈經理書生遜求皇王鎮南王征交趾還駐武吉世祖皇帝  
頗以兵出無功咎之侯奉行省命赴都面奏言謂所奏不切進來使問狀  
都省丞相以侯入元侯教陳周悉上意填釋惻然動愛子之念遣使賜金  
賜酒慰慰其懇棘皇子嘉侯能回天怒遣幣馬以報此其專對之長也從  
江西方丞督運占城軍糧廣州海賊剛梗侯犯難搏戰賊潰運道遂通左  
丞賞以白金食器從江西平章討瑞州寇侯奮力勦殺賊敗悉俘其黨平  
章賞以賊屬二十口從湖廣右丞討西賊有功又受白金器皿之賞去  
昌百里外二虎食民牛畜居者從避行者阻隔侯從省官出捕一虎咆  
前衝平章馬驚墮地侯一箭中虎以已所騎坐馬扶掖平章上馬馳去得  
脫於危平章還省壯其勇且義此其感德之優也長一縣佐兩郡遺愛在  
民去而見思在通山時邑民供給驛置道里迂迴甚以為苦侯請省辨詭  
悍斲黃之民供淮北之驛通山之民供江北之驛各適其便彼此之民感

德在衡州時重修公解漢虞吏胥並緣驛動乃具飲饌延致富戶捐已俸  
為倡勸其輸財以助擇廉幹人掌出納不經吏手科配新構宏麗未半歲  
而功畢侵擾不及於民前此運糧之官交納倘有欠少例責舟人賣舟以  
償不足則償及子女侯督湖南海運糧數十萬躬親視其際量受納者雖  
強悍侯不可欺竟無虧耗舟人得免填欠之害前北造舟之家率至破產  
蓋以官吏苛迫貪求故也侯造運船五十艘召屬邑議其制度約以期限  
聽民自為時加勉勞執役之工民樂其寬爭先辦集未踰月而舟成民省  
勞費此其官政之善也聽訟斷獄不假刑威咸得其情他處疑事不決上  
司輒委訊鞠守職謹恪持身肅慎於官長同僚恭而有禮於府史胥徒嚴  
而有恩上自朝廷大臣下自閭閻小民見者莫不加敬如愛治家動遵禮  
法其事親也孝妣黃氏年八十餘養致其樂喪致其哀其事長也悌家產  
寶器讓與其兄忽里哈赤而以貧儉自處其撫幼也慈有過則循循善誘  
勗以劬學閨門之內雍雍如也夫人劉氏河西巨族封元城縣君淑懿柔  
順內助多所匡益男二長哈刺那海由內監監察御史兵部員外郎會准  
東江北道肅政廉訪司事為江西等處行中書省左右司之貳娶昭文館

大學士榮祿大夫白雲平章之女次知兀那海龍受平江十字真子戶達  
魯花赤娶鎮守衛州張萬戶之女女一敦武校尉右帥府百戶伯顏將仕  
郎肇慶路四會縣達魯花赤燕只哥其婿也孫男三女一予觀古聖人有  
才難之歎以今世而論儒或不通於吏吏或不通於儒而武之與文兩全  
者鮮侯家世用武而文事克兼習尚好儒而吏事亦熟才而若是允謂難  
也已况又有子不墜家聲繼令以往侯之胤胄名位勲業有光于前奚翅  
如今也哉是以因其子之請而表其美於墓石以詒方來焉

崔文正公集

卷之七十一

支三言五

墓表

元懷遠大將軍行都漕運使贈昭勇大將軍真定路總管上輕車  
都尉博陵郡侯諡桓靖崔公墓表

崔公姓也德彰公名也光甫公字也大寧富庶縣北韓里公之家也公之  
考諱祥金季聚千衆于鄉及國朝兵至以其衆附得命就領之既而諱真  
定史帥麾下從史帥取河北山東諸郡值金降人叛帥之弟平其亂官至  
管軍千戶真定同知權府事公其中子也謀略如其考憲宗朝乙卯歲擢  
蘇州慶都等處行軍千戶隨史万户戍鄧西起武當東抵下邳繕治壁壘  
亘數千里己未歲世祖師指鄂戰武磯公敗宋江州都統軍中統元年庚  
申改授金符至元四年丁卯從阿朮破宋劉義若五年麟宋鄧砦南川高  
頭擒其將五九年宋將張貴餉襄陽圍城中粟乘夜出公偕諸將奪其舟  
而殲旃逼襄樊城蹙鄧黃家堡十一年冬圍沙洋渡江龍青山

二年春宋師潰于丁家洲公追逐百餘里獲將士二百戰艦五十進臨此  
陵督砲兵摧木柵以入克其城益公宋兵千授宣武將軍管軍總管由宣  
武陞顯武復遷懷遠大將軍兩浙江淮行都漕運使金虎符在職數年轉  
輸裕如也一旦言曰曩嘗方行陣委身於國奚暇恤家之私四海旣一報  
國事紓當歸養老母以供子職幡然棄官去十七年十二月二十七日薨  
疾而終年四十九明年正月九日附葬真定真定縣滄頭原之先塋夫人  
史氏北京路行六部尚書諱秉直之孫宣權真定河間大名衛輝濟南五  
路萬戶諱天安之女子男二昌武略將軍管軍上千戶顯承直即撫州路  
崇仁縣尹女二壻忠顯校尉德州齊河縣尹史炤奉直大夫僉陝西漢中  
道肅政廉訪司事史煊也至順元年庚午制贈昭勇大將軍直定路總管  
上輕車都尉博陵郡侯諡桓靖追封史氏博陵郡夫人而公之子在崇仁  
貽書云先人歿五十年餘二親始受褒封若不勒辭以昭天寵無以盡人  
子之道慚畀片文文諸石予既覓公之墓誌銘神道碑載公事蹟備矣今最  
其大凡而表國恩之隆公先幾款附智也向敵莫禦勇也竭力為國忠也  
念親還家孝也一身而兼智勇忠孝之美四允矣當代之英賢乎天畀其

故逸士曹君名父墓表

身前之壽而豐其身後之榮陟階賜勳疏封頒爵易名節惠著闕土克國  
之功著寬樂令終之德孝子慈孫雖百世猶將蒙其庇賴耿光弥久而弥  
彰焉予不及識公而識崇仁君其潔已其愛人所謂豈弟君子民之父母  
又有以增光於往昔崔氏其世紀也已

臨川曹名父諱原傑生宋淳祐乙巳九月丙申年六十有二元大德丙午  
十有二月庚申終其配龍氏諱美英生淳祐丙午閏四月壬子亦年六十  
有二月大德丁未正月丁亥終兩月間而有三年之喪二其孤以至大戊申  
四月己酉葬後喪于金谿縣歸德鄉之朱陂是年六月甲寅葬前喪于崇  
仁縣穎秀鄉之苦竹葬之先後合禮矣越二十有三年至順庚午秋孤壁  
走二百餘里造吾門言曰璧將改葬父喪于臨川縣明賢鄉之京谿改葬  
母喪于舊穴之前二步許予瞿然驚愕噫古有改葬禮蓋非孝子所樂或  
因水鬻墓而改固不可以或因葬有闕而改則不如其已也昔澄於母喪  
犯此惡每一思念痛恨自訟無所容其身自惟不孝於親不願人之如已  
也而璧亦為之乎璧來予文以表新墓謹按舊所誌曹之曾祖曹資祖煊

考世永妣龍氏龍之曾祖延慶祖汝礪考庭瑞妣陳氏名父士業  
恪共子職應務中倫壯歲翫醫家書有以疾告必饋之藥待人和易  
其歡心戒其子云我死處事實宜如我母效世俗龍氏勤約工織紵奉  
祭嚴潔薦新嘗恐後相夫治生訓予以禮義廉耻為先噫名父良士也其  
配亦賢婦哉男二長璧次惠子女四孫男六孫女五改葬之期某年月是  
故宋大學進士解君墓表

自古以保姓受氏之悠久為難而况後世乎吉有解歷唐宋逮于今五六  
百年為儒族難已始家廬陵之同水鄉後徙吉水之東門坊以儒發身者  
代不乏人解君諱夢斗字孔陽一字星瑞工舉子詩賦宋景定甲子貢于  
鄉咸淳戊辰入大學越三年庚午又以大孝薦名試禮部曾祖叔達祖寅  
俱不仕父谷淳祐己酉壬子兩預江西轉運司貢母王氏以子入學恩封  
孺人弱冠喪父事母事兄稱孝友咸淳末喪母比服滿大運將革遂不復  
至大孝教授于家父讓所受之世業與諸弟父之弟翔龍没于外子幼君  
為歸其喪歲饑用已田易米賑施隣里母之黨貧分食以食之妻之父死  
鬻產以窆之科廢四十年教子若孫勿棄舊學元皇慶癸丑十有二月丙

寅無疾而終年七十有九延祐乙卯十月甲申葬于鑑湖之原初娶蕭生  
三女再娶御生二男一女男應辰撫州路儒學正應申常武將教劉恕靈  
喬鄉貢進士羅用發建康路儒學子教授胡敷壻也孫男八顯家學中天厨  
已已鄉貢第四第五名孫文二鄉人劉岳申已誌君之墓應辰仕撫復請  
子文表君之墓君之自立若此子之追孝若此諸孫之哀表表其揚名  
顯其可期也是為表云

有元張君墓表

張氏之先霸州益津人金亡時就食敵州交河之建城鎮因家焉君諱禧  
力本多能涉言人義敦厚朴愿不事機巧有侵畔者讓弗與較卒使愧悔  
里人賢之子完為治書侍御史君受祿養至大辛亥四月四日乙巳終於  
京師年八十四完奉柩歸葬于先塋是月辛酉也君之考諱寶公而好施  
罄所有賑饑隣不計家之匱毛寧天嘗值無所栖泊之客延之宿食飛蝗  
入境竭誠禱禱集四野獨不犯其稼君之妣王氏生甫八歲而喪事繼  
母趙氏如母君之配趙氏世居建城之北理家儉勤有法先七年卒得年  
七十君之子玉曰進曰忠曰完曰賜曰信進簡重不苟忠質直自給完事



成宗于蒼邸得見世祖初授承事郎與國路判官廉明有聲遠近司計  
出點視倉站過鷹房官害民婦上彈于省壽天監祭迎天擊無所避思  
丁母憂去張蒲超擢太中大夫治書侍御史風力如監察時治書省權  
姦幾不免聖上龍飛將顯用又以父憂去除河東道廉訪使轉正議大夫  
同知總管皆不赴除工部尚書不及祿而卒賜端終日亡信謹給事皇  
太后宮君之孫七進所生曰允曰正曰誠忠所生曰賢完所生曰彛曰仁  
嘉信所生曰禮君之曾孫四正所生曰定安誠所生曰錫柱所生曰永  
安曰燕瓊君之文一子劉順孫六八完在御史臺糾尚書省之過舉朝愕  
眙余時在國子監令國子生張傑告曰人臣惟忠與智忠者不愛身不負  
國智者有益於國不危其身復何曰吾等死不顧子嘉嘆焉雖未合中行  
可謂直臣矣其卒也遺言命葬曰具司與余文必得世尔往求又以表尔祖  
之墓吾死不憾葬遵父命因張策來請祭不可辭也於是為之序次云尔

晉統制莫表

宋勇勝軍統制官莫侯開慶己未之夏戰于蜀勇勝軍屯鄂之城外其秋  
大兵奄至降其軍而使之妻子在軍中俱亡子生始四歲時世祖皇帝

以親王總兵河北董忠獻公從世祖具知侯在蜀力戰不降故命公曰  
佳父必生佳兒汝其善護視公鞠誨同已子名之曰士龍既成人仕州縣  
以廉惠稱追扁其父常忽忽不樂及擢江南諸道行御史臺監察御史坊  
歷荆楚所至訪其父遺迹有宋士錄國亡之際能城守野戰死者人各為  
傳而侯後焉得其傳又稽諸故老遺黎退卒之口參伍附益歸以語其友  
友輯為事狀持示臨川吳澄曰吾父以節死君比之五年吾母亦死不肖  
孤僅存大德壬寅冬具衣冠招吾父之靈與吾母合葬鎮江舟從宗德之  
硯山懼弗克揚先烈將遂沉泯則終天無涯之痛愈不可塞願有述以表  
於墓敢以累子澄禮辭不許於是讀傳為狀而哀侯之所以死嗚呼歐陽  
公論五代之臣全節而死者三三其首於童北面宋梁益路人一旦  
為君臣歲月其淺鮮無足道而弗貳斯事百世之公議猶建之宋三百年  
仁義之國豈朱梁比而其季也死宗廟社稷後死城郭封疆未如項籍田橫  
劉湛諸葛瞻顏泉鄉張巡許遠南霽雲等一何寥寥耶侯以下官微錄出  
入行陣危危不挫如此世亦曷嘗無人哉嗚呼歸矣侯之死以血與骨受告  
急宋大將世傑侯率偏師以別破營壘十數攻蜀之帥魏

大將畏憚得小長遂謀左次以道候見帥深入不戒驟領... 敵輒迎又喜遠追謂其輕脫可獲也大將逗留候率所部... 平隆化縣界遇游騎什什伯接戰無大勝負日中帥以精騎數千至... 之衆不滿千人皆敢死士馳突衝敵方戰不少圍遣卒詣大將求救方引... 衆趨山顧望竟不赴候棄所乘馬立射發無不斃帥兵愛却然以步敵騎... 衆寡幾十倍騎生之公番迭關日具戰未罷步之所殺已過當而死傷者... 十七八矢貫侯臂裂帛裏創復射連直數十創創其矢盡衆稍散遂聚... 者猶數十人傷重莫能軍候被執帥壯其勇期生之候大罵衆速死亦下... 加害冀日帥親視其創饋之食與藥侯標去弗受終宣馬上載以行一日... 不食至播州土門死年五十一帥還都輒對儲堂三唱獎嘆曰好... 人且曰其前不可當侯之從子二其一先數歲成巴州戰死其一後數歲... 歎隨州歸帥戰死瘡王拒守樊城樊城陷不降亦死一門死者四人侯光... 州固始人諱鈞少負奇氣強辯儒并精神事無用語每云讀書了大意... 可暇口拔勁弓驅馬出平原廣野指南北東西射曰大丈夫立功名當以... 是萬馭帥器之身以元文由遠郡材技良家子選補軍職隸武定軍屯光

徙屯黃勇勝軍後朔并取於武定而以侯為副其將後於襄陽城上走馬... 墮城下死侯叱曰大丈夫不死敵而死於是兒文子爾制置使遂以侯代... 將克統制官實祐聞蜀歲歲期兵往來狹渠開達等州扞禦用少人不敷... 人以多最深入蠻徼築城堡化服群獠撫以恩信任事不避險艱不加... 此捐軀徇國其素志也而竟以敢戰死嗚呼悽矣夫人萬氏遂卒再娶胡... 民生士龍今縣監察御史僉嶺南廣西道肅政廉訪司事子澍亦嗜書願... 而周於務嗚呼自古忠臣義士身不食其報者往往報於其子孫然則侯... 之後宜大蓋已觀其兆

姜公宜墓表

公宜姜姓也諸端義其祖其妻曾氏生子與不幸早世子幼家貧祖母曾... 適李生子二人與嗣鞠於李李為之冠娶因冒李姓娶端仁端義皆聚李... 徒教授于家端義年十二而孤事祖母甚孝事伯兄甚恭其祖母嘗曰此... 孫善奉養我李之子亦曰此兒善奉養吾母伯兄暨嫂相繼殞沒遺三女... 一子長其女嫁之撫其子如己子子未冠而夭配鄧氏生時敏時中... 皆其二子曰吾祖姜也吾祖母歸亦有子有孫承祀吾姜姓子孫而稱為

李妻遂無後可平復初姓續祖祀吾志也汝其以姜誌吾墓比葬時敏之師許文薦為撰誌銘明李姓之冒而未正姜姓之稱于後時敏職西澗書院訓導乃具其事白書院長移文有司有司下里不獲實如其言改其戶籍曰姜時敏謂予曰先考生宋淳祐甲辰八月辛未卒元大德戊戌二月壬戌十月癸酉葬長安鄉北原之夏坑先妣生宋淳祐己酉六月丁卯卒元大德丁未六月丁巳七月乙酉附葬先考墓左今初姓已復其可無文以表諸墓先生景貺之所以光昭木繫鹿覆遺胤者溥矣敢以誌予既叙其始末諡于後之人謹按儀禮傳夫死妻不已與其子適人繼父為子築宮廟歲時所之祀妻不敢與嗚呼古之為人倫之變何其恩與義之兩及也為繼父而知此禮豈至於妻人之妻子人之子而遂易人之姓絕人之祀也哉此理不明則雖范文正公之賢隨母而嫁猶不免於姓朱况不如范公者乎然范公能復姓於其身姜之姓歷三出至其孫而始追復抑又重可嘆也時敏不忍絕其祖之祀不吝其父之命必復其姓而後快於心嗚呼可謂慈孫孝子也已且將以其弟時中後其世父瑞仁嗚呼厚之道也其美不可以不書書之為公且墓表

故袁君季時墓表

友人袁繹字季時工進士策論詩賦言勤嚴肅善教導人家子弟所讀經書語著列義考訂詳審不苟焉隨俗舛訛為人剛正無一毫媚柔態以此不諧於俗人鮮知之然見者必敬畏不敢有慢侮心以大德丙午九月十日卒年六十有四卒之次月葬于所居之南初娶溫氏再娶彭氏三娶季氏生四男二女男祖仁祖義祖忠祖信女適詹錄余瑞季時長予六歲同鄉父交既葬予始還舊山既拜其墓而祖仁請文以表諸墓門嗚呼以季時之才而不遇命也夫

故儒李教諭余府君墓表

府君諱珽字玉甫宋紹定壬戌閏九月十二日己未生習進士詩賦累獲鄉貢不利元至元間江東道儒李提奉司授信州路貴溪縣儒李教諭不赴會撫州路宜黃縣儒李缺官江西道儒李提司命攝其事就職一月而歸閑中以詩詞自樂詞尤超拔似辛幼安劉改之之作大德戊戌四月二十二日戊寅以疾終于家娶袁氏方氏男繼老女維恭孫男成孫孫女適曾貢歐陽仕琪鄒蘭生孫男四人一再卜宅兆俱未安至

七日庚申遷新穴在峽山柑樹之谷登子塔之前葬時客  
後乃識其月日以表于墓



